

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Broj: 02-05-1-12 /20
Datum, 31.01.2020.godine

Z A P I S N I K

sa 35. sjednice Općinskog vijeća Maglaj
održane dana 31.01.2020.godine u 09:30 sati u sali
JU Dom kulture «Edhem Mulabdić» Maglaj

Dopredsjedavajući, na osnovu člana 59. Poslovnika o radu Općinskog vijeća, zaključaka Kolegija od 20.01.2020.godine, te Programa rada Općinskog vijeća za 2020. godinu, otvaram 35. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih partija: SDA, SDP, SBB, DF, HDZ BiH, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i materijali dostavljeni zastupniku Doma naroda Jasminku Kapiću i zastupnici u Skupštini ZDK Emiri Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 35. redovnoj sjednici Općinskog vijeća.

Današnjoj sjednici Općinskog vijeća prisustvuje 23 vijećnika.

Nisu prisutni vijećnici Hasanić Šefka i Hrnjić Armin .

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju Zapisnika sa 34. redovne sjednice OV-a.

Prije nego otvorim raspravu po pitanju Zapisnika, obzirom da optički vidim prisutne i goste na današnjoj sjednici Općinskog vijeća dužan sam da ih informišem i upozorim na Poslovnik, a to je da su dužni da svoje prisustvo verifikuju, prijave, da će biti tu, a ukoliko žele da diskutuju po određenim tačkama dnevnog reda, dužni su da se pismeno očituju na predviđenom obrascu.

Ima li primjedbi?

Nije bilo primjedbi na Zapisnik sa 34.redovne sjednice OV..

Verifikuje se Zapisnik sa 34. redovne sjednice OV.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Dopredsjedavajući, otvaram raspravu po pitanju dnevnog reda za 35. redovnu sjednicu, da li ima prijedloga za proširenje ili nekih drugih prijedloga.

Imamo tehničku grešku u tački 10., ostalo je Nacrt/prijedlog, a Kolegij je utvrdio da se radi o Nacrtu Odluke. Molim da se to uvaži. U ovoj tački 10. Radi se o Nacrtu Odluke Potkrala se tehnička greška u tački 10 treba da stoji Nacrt Odluke o prosječnoj građevinskoj cijeni 1 m2 korisne stambene površine na području općine

Maglaj za 2020. godinu, na Kolegiju je bila dilema da li prijedlog ili nacrt, pa smo donijeli odluku Nacrt, odnosno da ipak ide u javnu raspravu.

Vijećnik Adis Abdurahmanović, ispred Kluba vijećnika SDA imam prijedlog za dopunu dnevnog reda, a tačka bi trebalo da glasi: Inicijativa o pokretanju nove Odluke o utvrđivanju cijena komunalnog otpada na općini Maglaj.

Pauza za Kolegij

Vijećnik Mirza Bradarić, ja razumijem ovo što je kolega Abdurahmanović podnio inicijativu, međutim moram isto tako naglasiti, da smo 20.01.2020.godine kada smo imali Kolegij i mi zaista na svakom Kolegiju dobijemo materijale koji su do tog dana došli i koji su adresirani na Kolegij OV. Do tog momenta mi taj materijal, inicijativu dobili nismo. Ja ne znam u koliko sati je ta inicijativa na protokol Općine predana. Mi smo poslije samog Kolegija dobili taj materijal preko maila, ali smo mi već Kolegij završili i ustanovili smo dnevni red za današnju sjednicu. i kolega Jašić je bio tu i svi smo se složili za ovaj dnevni red za satnicu i datum kad će biti sjednica OV. Nakon Kolegija je došao taj materijal putem maila, ja nemam ništa protiv toga, a isto tako sam i za pridržavanje Poslovnika o radu OV. Mi danas igrom slučaja imamo nekoliko tački vezano za ove stvari gdje se ova inicijativa može ubaciti. Mi smo također govorili o tematskoj sjednici vezano za ovu problematiku, imamo Program rada OV za 2020.godinu gdje se isto ta tačka može ubaciti, a ono što je ključno na kraju svake sjednice imamo na redu vijećnička pitanja i inicijative. Na kraju se inicijativa može bez ikakvih problema predati i da to ide u redovnu proceduru kako se i radi kada su inicijative u pitanju.

Moram naglasiti sad u momentu Kolegija, kolega Jašić je rekao da su gospoda iz Udruženja poslodavaca „15. Maj“ pripremili nekakve materijale. Meni nije jasno ako se i stavi ta tačka na dnevni red o čemu ćemo raspravljati. Ako su već materijali spremni, da ste nam prosljedili te materijale što imate sad spremne, jučer ili prekjuče, međutim ja ne vidim svrhu sada trenutno komentaranja i da raspravljamo o tom materijalu kad mi taj materijal nismo ni vidjeli. Što se mene tiče, ja bih da to ide u standardnu proceduru, kada dođu na red vijećnička pitanja i inicijative da ide u tu proceduru, a onda poslije toga zna se kako se postupa po pitanju inicijativa.

Dopredsjedavajući, suština jeste da se striktno poštuje Poslovnik o radu OV i njegove odredbe.

Vijećnik Safet Jašić, stav Kluba SDA je da iz materijala je prošlo kao tačke dnevnog reda kroz ovo vijeće, nismo imali materijale, našto je naš klub stalno ukazivao u ove posljednje tri godine. Mislim da je ovo ipak ozbiljna grupa ljudi, ozbiljnih privrednika i da im treba izaći u susret i svaku mogućnost iznaći da se ovoj problematici koju oni imaju raspravlja danas. Ono što je Klub SDA mogao donijeti jeste da mi kao Klub predložimo da ovo ipak uđe kao tačka dnevnog reda i da se u narednom periodu planira tematska sjednica po pitanju s kojima su došli mali privrednici. Mi danas predložimo da ovo ipak ide kao tačka dnevnog reda, da oni podijele materijale u suprotnom mi nećemo podržati dnevni red.

Dopredsjedavajući, naravno da sam na ovoj pauzi za Kolegij i na samoj sjednici Kolegija bio za to da se striktno poštuje odredbe Poslovnika o radu OV Maglaj. Igrom slučaja danas ja i vodim ovu sjednicu i naravno da ću tokom cijele sjednice striktno poštovati i insistirati od vas da pošujete Poslovnik o radu. Želim samo da pomenem neke odredbe Poslovnika o radu, to su član 63. Prijedlog dnevnog reda redovne sjednice priprema Kolegij. Zahtjev za uvrštavanje u dnevni red sjednice po određenom pitanju ima pravo podnijeti Kolegij, svaki vijećnik, Predsjedavajući svakog radnog tijela, svaki Klub vijećnika itd. Zahtjevi za izmjenama prijedloga dnevnog reda sjednice dostavljaju se Kolegiju u pismenoj formi i sa obrazloženjem najkasnije 3 dana prije održavanja sjednice. Izuzetno zahtjevom za izmjenom prijedloga dnevnog reda redovne sjednice može biti podnesen od strane vijećnika, Kluba vijećnika, Općinskog načelnika ili ovlaštenog predstavnika. O zahtjevu iz prethodnog stava na prijedlog Kolegija OV odlučuje. O zahtjevu na prijedlog Kolegija OV odlučuje.

Član 101. U ostvarivanju svojih prava i dužnosti OV ... član 110. Pardon, postupak za donošenje odluka i drugih akata OV pokreće se inicijativom za donošenje akta koji mora sadržavati razloge za njeno pokretanje. Inicijativa treba da sadržava pravni osnov za donošenje određenog akta ukoliko je taj osnov poznat pokretaču inicijative. Inicijativa se upućuje Predsjedavajućem OV koji je dostavlja Općinskom načelniku na razmatranje. Općinski načelnik je dužan u roku od 30 dana razmotriti inicijativu i o svom stavu obavijestiti OV Maglaj. Ako je Programom rada OV predviđeno donošenje određenog akta, smatra se da je time prihvaćena i inicijativa za njegovo donošenje.

Da rezimiram, bez ikakve potrebe, bez ikakve sumnje i zle namjere svakako želim kao vijećnik ovdje da čujem razloge za pokretanje inicijative od strane grupe privrednika u onom mjestu i onom terminu određenom po ovom Poslovniku. Naravno, ja kao vijećnik sam apsolutno ne pripremljen za otvaranje bilo kakve rasprave po tom pitanju, što znači da imam i te kako opravdanje da se pozovem na ovaj član Poslovnika da se pokrene inicijativa koja će u ovoj propisanoj proceduri da prođe sve ono što treba i da mi onda kao vijećnici zaista imamo sve relevantne argumente, sve relevantne činjenice i da možemo eventualno donositi odgovarajuće odluke.

Vijećnik Safet Jašić, član 85. Poslovnika o radu OV kaže slijedeće: Dnevni red sjednice utvrđuje se na početku sjednice u skladu sa odredbama člana 64. Ovog poslovnika. Pod 2. Predsjedavajući OV, Općinski načelnik, predstavnik Kluba vijećnika mogu iznimno predložiti da se određeno pitanje stavi na dnevni red na samoj sjednici, ali su dužni da obrazlože hitnost takvog prijedloga. Prema tome, ovdje nije ništa povrijeđeno, ovdje je sasvim normalno da se ova tačka može uvrstiti sad je vaša volja većine hoćel to prihvatiti ili neće. Mi i dalje predložimo da ide kao tačka dnevnog reda.

Dopredsjedavajući, sve je to bilo jasno.

Vijećnik Mirza Bradarić, ja zaista želim reći da ovdje niko nema namjeru, ni vijećnici ni od strane grupe privrednika da bude neozbiljan da iko ovdje ikog vrijeđa, svi smo mi za pozitivno rješavanje bilo kakve problematike. Vi ste gospodine Jašiću pročitali u tom članu i spomenuta je riječ hitnost. Ja nisam siguran da mi radi te hitnosti danas možemo, kako kolega Fermić kaže radi neupućenosti donijeti bilo kakve dobre, konkretne zaključke i poteze. Ja koliko smo rekli na prošloj sjednici Kolegija koja je bila 20.01. da materijala za narednu sjednicu već ima jako mnogo i da bi naredna sjednica Vijeća trebala biti sredinom februara. Ja u ime Kluba SDP-a da bismo zaista bili konkretni, da bismo brzo riješili ove stvari i da bi bilo to na dobrobit svih onih koji su uključeni u to, ja vas molim dajte nam podijelite materijale, dajte da taj materijal stavimo za narednu sjednicu. Ja ne znam da li to toliko gori, Ako je toliko bilo da to toliko gori, danas ili za 15-tak dana, a 15-ak dana ćemo bar imati konkretne materijale i od udruženja, imat ćemo sigurno konkretne materijale i informacije i od ostalih strana koje trebaju biti uključene u ovaj proces i onda da na slijedećoj sjednici to riješimo i jednom zauvijek, ali da riješimo na dobrobit svih nas i Vijeća i privrednika i svih ostalih koji participiraju u tom segmentu.

Pauza za Klub SDA

Vijećnik Safet Jašić, ja sam konsultovao se sa vijećnicima u Klubu i svi su mišljenja da ostajemo pri stavu da treba ovo da ide kao tačka dnevnog reda, ako ne ide mi ne podržavam.

Dopredsjedavajući, kako to nalaže Poslovnik dajem prijedlog izmjena i dopuna dnevnog reda po prijedlogu vijećnika Adisa Abdurahmanovića.

Ko je za da se kao tačka dnevnog reda uvrsti Inicijativa o pokretanju izmjena Odluke o formiranju cijena komunalnih usluga?

Glasalo 10 glasova za: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Glasalo 11 glasova protiv : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Kanita Bašić i Elvir Vehabović samostalni vijećnici.

Glasalo 2 glasa uzdržana: Mustafa Bešić samostalni vijećnik i Josip Juršić (HDZ BiH).

Dopredsjedavajući, predlažem dnevni red kako je dostavljen u sazivu

DNEVNI RED

1. Program rada Načelnika općine i općinskih službi za 2020. godinu;
2. Prijedlog Programa rada Općinskog vijeća Maglaj za 2020.godinu;
3. Operativni budžetski kalendar za izradu i donošenje Budžeta/Proračuna Općine Maglaj za fiskalnu 2021.godinu;
4. Plan aktivnosti za implementaciju Platforme za mir 2018-2020. Općinsko vijeće;
5. Rješenje o imenovanju Komisije za izbor Općinskog pravobranioca Općine Maglaj;
6. Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg/dopredsjedavajućeg i naknada članovima Komisija Općinskog vijeća;
7. Odluka o kriterijima, mjerilima i načinu finansiranja parlamentarnih grupa političkih stranaka i samostalnih vijećnika u 2020. godini;
8. Odluka o visini naknade članovima Općinske izborne komisije;
9. Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio“ zahtjev Zovko Metilda iz Žepča, po punomoćniku Rizi Mezetoviću, advokatu;
10. Nacrt Odluke o prosječnoj građevinskoj cijeni 1 m2 korisne stambene površine na području općine Maglaj za 2020. godinu;
11. Informacija o provedenim aktivnostima po Nacrtu Statuta MZ;

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Glasalo 10 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Prelazimo na razmatranje prve tačke dnevnog reda.

AD – 1 Program rada Načelnika općine i općinskih službi za 2020. godinu;

Načelnik općine – uvodno izlaganje

Pred vama je okvirni materijal Programa rada Načelnika općine za 2020.godinu, da odmah razjasnimo dakle, to je Jedinstveni organ uprave Načelnik općine u okviru kojeg Programa se nalazi Program rada svih općinskih službi,

ne samo Načelnika i ovdje je srž Programa, ono što su sve službe pripremile kako vam stoji u materijalu. Dakle, ko želi detaljnije programe, svake od službe, može to dobiti mailom bez ikakvih problema. Sam program rada Načelnika općine Maglaj za 2020.godinu zasnovan je na rezultatima analize trenutnog stanja u organu uprave i predviđenog u Budžetu općine Maglaj za 2020.godinu, te rezultatima dosadašnjeg rada. Osnovni principi rada su zasnovani na vršenju poslova iz domena lokalne samouprave definisane Zakonom o lokalnoj samoupravi, ostalim zakonskim i podzakonskim aktima, dakle program se zasniva na rezultatima dosadašnjeg rada u svakom slučaju kao i sve godine do sad i ranijih godina. Sve stvari e ne mogu predvidjeti programom, znači određene aktivnosti, određeni projekti se dešavaju tokom godine u ovom trenutku nisu izvjesni, nisu na vidiku, ali se pojave tokom godine, tako da to spada u domen okvirnog plana. Pored toga imate Program rada Općinskog pravobranilaštva kao zasebnog organa uprave. Imate navedene ciljeve Jedinistvenog organa uprave Općine Maglaj, dakle, jačanje administrativnih kapaciteta dodatnim obukama sa usavršavanjem kroz korišćenje DMS sistema koji je aktivan od 03.01.2020.godine. Unaprijediti efikasnost i efektivnost lokalne uprave baziran na pozitivnim tržišnim principima i EU principima. Organizovanje stručnih predavanja, unapređenjem društvenog razvoja, intenzivna komunikacija razvojnih timova sektorskih grupa, privrednog savjeta i udruženja privrednika, iniciranje sistemskih razvoja, sistemskog razvoja turizma uključenjem turističkih potencijala, šire regije. To je jedno novo saznanje do kojeg nije došla samo općina Maglaj, nego je i ostale općine da je za konkretan rezultat potrebno i regionalno djelovanje u tom kapacitetu. Navedene su vam generalne aktivnosti općinskih službi kroz ovaj materijal koji je dostavljen, s tim da želim napomenuti da na posljednjoj stranici gdje imate kvalifikacionu strukturu zaposlenika u Jedinistvenom organu uprave Općine Maglaj, je došlo do greške s obzirom na odlazak jedne osobe u penziju. Dakle, trenutno sa 31.12.2019.godine smo imali 75 uposlenih + Općinski načelnik a ne 76 + Općinski načelnik kako ovdje stoji. Jedna osoba manje u Službi CZ. Kad pogledate gore brojeve vidjet ćete 2,1,3 na spolnu strukturu i raspored je 4-2, a suma ispala 7. Tu je ispala ta greška. 76 uposlenih zajedno sa Načelnik u odnosu na 31.12.2016.godine kada je bilo 77. Ako bude nekih pitanja stojim na raspolaganju.

Otvaram raspravu

Vijećnik Hajrudin Ferić, mi u OO DF smo pomno čitali svaku rečenicu da vidimo da li ovaj Program rada u 2020.godinu, na tragu svih onih naših nastojanja kroz ovaj četverogodišnji mandat kojeg imamo i ovako iznijeti neke naše stavove i naša mišljenja. Naime, ovaj Program rada Načelnika općine koji je i sam nazvao okvirnim i treba posmatrati kao jedan dio cjeline koju čine i Budžet Općine Maglaj za 2020.godinu, ali isto tako i svi drugi naredni operativni programi koji će nama doći u skoro vrijeme na sjednice OV koje kako znate i usvajamo na ovom OV, to su oni konkretni operativni programi i sa konkretnim parametrima i rokovima za izvršenje. Ono što želimo da istaknemo ovdje kao zadovoljstvo jeste da se u ovom Programu rada OV govori o nastavku aktivnostima na donošenju Prostornog plana, jako važnog dokumenta za općinu Maglaj i dokumenta koji nažalost smo jedna od rijetkih općina koja kani sa njegovim donošenjem, tako da evo prilike da u ovom mandatnom periodu 2020.godini i donesemo ga. Također govori se i o gradnji, znači nastavku gradnje gradskog groblja, a volio bih kad budemo završili svi u ovoj diskusiji vijećnika samo da mi se odgovori da li su i uplaćena ona sredstva koja su došla iz Fed.ministarstva nekih 7.000,00 KM na ime pretvorbe poljoprivrednog zemljišta, tako da apsolutno nemamo više nikakvih prepreka da i krenemo u konkretnu realizaciju i da dođemo do završetka prve faze tog groblja. Također ovdje stoji u Programu unapređenje putne, vodne i druge infrastrukture, javne rasvjete prije svega, zatim stoji ovdje da će se aktivnosti voditi na stvaranju ambijenta za bolji, brži razvoj privrede, malog i srednjeg poduzetništva, obrta, poljoprivrede, a vidimo ono što je nama posebno drago i da je dosta prostora dato konkretizaciji mjerenja efikasnosti i odgovornosti službenika i namještenika, odnosno njihovo stručno usavršavanje gdje bi benefite od svega toga trebali imati građani. Ono što trebamo ovdje sugerisati da nađe malo više prostora, vremena, odnosno da u konkretizaciji ovog Programa se razmišlja i o realizaciji, odnosno uvođenju aktivnosti na izradi projektne dokumentacije za saobraćajnice, na općini Maglaj, da nam bude u toku 2020.godine na sjednici OV između ostalog i Odluka o kategorizaciji cesta javnih i nekategorisanih, kao i Pravilnik o prekomjernoj upotrebi javnih cesta, odnosno tih lokalnih puteva. O tome smo pričali Načelnik ima sva ovlaštenja da donese taj Pravilnik obzirom na sav ovaj kaos koji vlada kad su u pitanju prije svega oni šticari i sve ostalo po okolnim selima Kopice, Kosova, Ravna, Rakovac itd. mislim da nam je taj Pravilnik i konkretizacija realizacija tog Pravilnika hitno neophodna.

Također bi sugerisao da imamo jedan od zaključaka, jako je to važno pitanje a to je da se u 2020.godini i realizuje taj zaključak o platanima da se izvrši onaj stručni pregled kako smo rekli da dobiju legitimaciju svoju.

Na kraju samo da pomenem a to je pitanje CZ stoji zaista jedno veliko poglavlje svih aktivnosti kad je u pitanju CZ, međutim, uvijek ću podcrtati i reći da je pitanje svih pitanja izrada i ažuriranje planova. Izrada planova kojih nemamo, a ažuriranje programa i planova koje imamo i to mora da bude prioritet svih prioriteta kad je u pitanju aktivnost CZ. Moram pohvaliti lično ovaj Program je na 35 stranica, ako se prisjetimo da su raniji programi, pa i prošlogodišnji bili samo na 8 stranica, onda samim tim zaista kvalitetno sadržajni i bolji.

Vijećnik Bešić Mustafa, kolega vijećnik je dosta toga iznio. Naš klub će podržati Program Načelnika i općinskih službi za 2020.godinu. Podržat ćemo iz tih razloga pošto se stvarno vidi napredak u prethodnim godinama na

cijeloj općini Maglaj. Od ulaganja infrastrukture, vodozahvata, javnih rasvjeta. Želimo da čestitamo općinskim službama i Načelniku i da nastave ovako.

Vijećnik Mirza Bradarić, Klub SDP-a će također prihvatiti ovaj okvirni Plan rada Načelnika općine i općinskih službi za 2020.godinu. Načelnik je rekao da je ovo okvirni Program, da detaljan postoji, onda mogu samo zamisliti ako je okvirni ovako išao relativno u detalje, onda kakav je taj detaljni. Ovo je po prvi put da smo dobili ovakav program gdje je zaista svaka služba napisala svoj plan aktivnosti, sa cijenama sa odgovornim osobama, ko je zaista zadužen za bilo koju oblast itd. Ono što možemo još dodati je da se zaista pokuša što više odraditi iz ovog Programa za 2020.godinu, a što se tiče nas kao vijećnika mi ćemo stajati na raspolaganju i biti podrška za sve ono što je dobro.

Vijećnik Safet Jašić, na početku imam jedno pitanje. Razmatramo danas program rada Načelnika i općinskih službi za 2020.godinu, nas u Klubu zanima da li je postojala mogućnost da se napravi neki izvještaj o prošlogodišnjem Programu rada, tako da bi mogli uporediti od prilike šta je realizovano, šta nije.

Kada je u pitanju ovaj materijal, Klub vijećnika SDA je razmatrao dostavljeni Program rada Načelnika općine i općinskih službi za 2020.godinu i imamo nekoliko primjedbi na koje bi se ukratko osvrnuli.

Naišli smo na nekoliko stavki u ovom programu, upravo ono što sam maloprije rekao kada se radi o izvještaju su planirane još na samom početku mandata i koje su obećavane u predizbornoj kampanji 2016.godini, a koje nisu realizovane, pa je očito da je i ovo Program rada predizborne kampanje.

Aktivnosti na izgradnji gradskog groblja „Borik“, kakve su bile na samom početku mandata takve su i dan danas, praktično se nije ništa uradilo a sumnjam da će i u 2020.godini.

Izrada projektna dokumentacije za apliciranje novih projekata, je također mrtvo slovo na papiru, što je naročito evidentno na primjerima MZ koje se same bore sa izradom projektnih dokumentacija kako bi blagovremeno mogle aplicirati prema višim instancama vlasti.

Izgradnja mini prerađivačkih kapaciteta za preradu voća, je također ništa drugo nego bacanje prašine u oči građanima općine Maglaj.

Nema programa sanacije silnih klizišta na općini Maglaj niti izrade projektna dokumentacije za ista, a koja se godinama spominju u programima rada općinskih načelnika i službi. Tako mogu usput reći i ovo što je dopredsjedavajući rekao kad je putna infrastruktura u pitanju također smo slabi, tanki po pitanju tih projekata.

Što se tiče formiranja poslovnih zona i ulaganja u iste, pored već formirane poslovne zone Liješnica i Misurići, zanima nas šta je sa poslovnim zonama u Novom Šeheru, Moševcu i Kosovi? Navodno na 23 stranici ovog Programa također strateški cilj Službe CZ da do 2024. Budu deminirane sve sumnjive površine na teritoriji općine Maglaj je blago rečeno utopija, jer mi smo prvi koji smo izloženi i neću reći praktično da hodamo po minama, ali mislim da treba mnogo duži period i daj bože da krene i ove godine bilo šta.

Također tu je još niz stavki u ovom materijalu koje su jako bitne, a za koje iz Budžeta nisu predviđeni, niti vidimo sda su predviđeni bilo kakva sredstva, već se sredstva samo očekuju sa nekih viših nivoa, što po ovim tabelama se može zaključiti.

To su od prilike primjedbe koje ima Klub SDA i iz tog razloga mi nećemo podržati ovaj Program rada.

Vijećnik Josip Jurišić, ja ispred HDZ, naravno mi nismo za razliku od DF pomno sve ovo išitali, nije bilo za tim ni potrebe, jer mi znamo kako to ide od prilike, kakvi su ovo dokumenti, znači Općina mora imati ovaj dokument. Jedan okvirni plan što će raditi kroz cijelu godinu, a kako reče Načelnik službe će to tamo još razraditi do u sitnice. Ono što sam htio reći da ćemo mi ovaj Program rada Načelnika i općinskih službi podržati s tim da sugeriramo Načelniku da će vas kao Načelnika i šefove općinskih službi i sve radnike, građani najbolje ocjenjivati, dakle koliko ste efikasni. Dakle, vi ste javni servis svih nas građana i kad bude izvještaj o protekloj godini što je se uradilo, najbolji primjer će biti to koliko su građani zadovoljni sa vašim uslugama koji radite konkretno tu u Općini u vašim uredima. Da li su to namrgođene face, je li to efikasno rješavanje problema građana po pitanju bilo kojih zahtjeva, primjedbi ili onoga sve što njima treba. Želim vam da budete efikasni u narednoj godini da odradite to dobro.

Dopredsjedavajući, prema Zakonu o principima lokalne samouprave i Statuta Općine Maglaj, Načelnik je dužan do 31.marta tekuće godine da dostavi i svoj Izvještaj o radu za prethodnu godinu, tako da i očekujemo u ovih nekoliko sjednica.

Načelnik općine, hvala svim diskutantima, nekoliko odgovora ili sugestija.

Prvo je dopredsjedavajući gospodin Fermić pomenuo ovdje ključne stvari Pravilnik o prekomjernom opterećenju cesta je nešto što je jako bolno za ovu općinu Maglaj, tereti su i preko 75,80 tona sa šticarima koji se voze u svim dijelovima naše općine. Ja sam neki dan kontaktirao komandira PS u Maglaju, poslali slike iz Bočinje, predsjednik MZ Bočinja je slikao šticara pretovarenog s drvima pokraj znaka od 15 tona koliko je gore bilo. Isto se dešava i u Jablanici podrobiše mostove, isto se dešava i u Rakovcu. Ja sam razgovarao i aktivirat ću jer nam treba što prije da riješimo ovaj problem preko opterećenja. Razgovarao sam i sa ljudima od građevinske struke, ako ništa drugo da napravimo mehaničke prepreke za velike kamione na tim dionicama gdje će biti omogućen saobraćaj za sva motorna vozila manje kamione, traktore, a da neće moći prolaziti šticari. U posljednje vrijeme imaju praksu da uđu negdje od Doboja, Petrovo na Ozren i siđu ovamo na ovoj strani u Rakovcu. Kada su gfore zatvoriti neki dan most zbog oštećenja u večernjim satima je došao šticar i prikolica uz njega i to je jedno veliko opterećenje kojem

moramo stati u kraj. Moram reći da vrlo nekorektni su iz ŠPD na čelu sa direktorom ŠPLD ZDK koji su odgovorili da oni nemaju s tim ništa itd., a znaju koliko godina drobe ove puteve, koliko godina drobe njihovi podizvođači puteve itd. da rade korektno ne bi ni njihovi podizvođači koji vrše prijevoz drobili i puteve i mostove, asfalte itd. Pokušat ćemo riješiti i taj dio. Oko stručnih pitanja platana dakle to su aktivnosti koje će biti u toku godine i to ćemo rješavati.

Kad je u pitanju plan CZ Anto spremna je Procjena rizika, to donosi Načelnik i nalazi se na stolu kod tehničkog sekretara za potpis od strane Načelnika. Rađen je od stručne kuće i to ćemo naravno staviti na Vijeće kao informaciju da budete upoznati.

Gospodine Jurišiću hvala na ovakvom stavu i upravu ste na kraju uvijek građani daju ocjenu. To ćemo vidjeti.

Kad su u pitanju primjedbe od strane Kluba SDA, ja prvi put čujem da se Program rada poredi sa izvještajem, valjda se izvještaj poredi sa Programom rada. Prema tome kad dobijete Izvještaj za 2019. godinu poredite ga sa Programom rada za 2019.godinu. Ovo je okvirni Program rada za 2020.godinu koji je ponuđen Vijeću u zakonskim rokovima i nadam se da će biti i usvojen.

S druge strane želim zbog javnosti da prokomentarišem pojedine navode koji su apsolutno netačni.

Prvi od njih koje je pomenuo dopredsjedavajući, groblje „Borik“, potpuno je netačna konstatacija gospodine Jašiću u ime Kluba SDA da ništa nije urađeno i da neće biti urađeno i da su to predizborna obećanja. Ovo je četvrta godina mandata i ja ne znam ko je ikad sva predizborna obećanja ispunio a pogotovo ko je ispunio za tri godine. Dakle, groblje „Borik“ će biti realizovano ove godine. To sam bio ostavio za brifing, ali s obzirom da su dva vijećnika potegli to pitanje, dat ću vam odgovor. Dijelom gospodin Fermić je informisan. Nama preostaje još da uplatimo i mislim da to danas ide uplata za pretvorbu zemljišta u građevinsko. U međuvremenu je završena sva druga papirologija koja se ticala različitih i nivoa vlasti i različitih agencija i tu smo problematiku priveli praktično kraju i idemo danas s uplatom i vrlo brzo će biti završena pretvorba zemljišta i dogovorili smo se na kolegiju prošle sedmice da idemo u pripremu terena za realizaciju prve faze. Ono što nas je dijelom usporilo i što će nas dijelom usporiti, ali riješit ćemo i to jeste projekat. Mi smo već prošle godine raspisali tender izabrali izvođače za izradu glavnog projekta koji je probio rok, prošao rok, slali upozorena, poslije se nisu ni javljali i mi smo prije nekih 15-tak dana možda i više poslali obavijest da raskidamo ugovor sa izvođačem radova. U međuvremenu se apsolutno nisu javili i vjerovatno ćemo vrlo brzo raspisati novi tender za izbor projektanta i vjerujem da će se javiti neko ko je ozbiljan i ko će to završiti u kraćem roku. Kad smo pomenuli projekte i to je bilo iz Kluba SDA primjedbi, za projektnu dokumentaciju. Kad dobijete izvještaj vidjet ćete koliko je projektna dokumentacija urađeno u ovom periodu u 2019.godini, tako da ja ne bi to ništa prejudicirao.

Izrada programa klizišta, imate ažurirane podatke, imate sanacije koje idu svake godine. Klizišta onoliko koliko su u našoj moći.

Poslovne zone nije dovoljno proglasiti poslovnu zonu. Poslovnu zonu treba napraviti, kad pomenete Poslovnu zonu u Liješnici, Poslovna zona u Liješnici je samo započeto, do njenog završetka ima još i vremena i novca i da vas informišem i za tu poslovnu zonu smo obezbijedili preko 250.000,00 KM za nastavak uređenja poslovne zone, s tim da istovremeno paralelno vodimo proces sa otkupom zemljišta. Dio tendera je završen izabran izvođač radova.

Što se tiče deminiranja površine, vi znate da te površine ne deminira Općina, da Općina je samo suport BH MAC-u. Što se tiče CZ ona radi sve sa svoje strane i ovaj plan do 2024. Godine nije plan Ante Maglice i Mirsada Mahmutagića, nego je to neki plan u koordinaciji sa višim instancama. Daj bože da to ikad bude deminirano i kad prođu sve demineri nisam siguran da će se sve dići, ali tako je kako je.

I stara podvala sredstva viših nivoa, pa nije to ničija čačevina, to su porezi koje plaćaju svi građani, sva pravna i fizička lica i koja se po određenim koeficijentima raspoređuju od državnog nivoa do općinskih nivoa. Što po koeficijentu raspodjele, što po projektima. Dakle, to je naš novac, to je novac naših građana, naših privrednika i to je novac Općine Maglaj koja će realizovati projekte koji budu odobreni sa tim novcem. Hvala još jednom.

Dopredsjedavajući - Zaključujem raspravu i dajem na glasanje

Z A K L J U Č A K

1.1. Usvaja se Program rada Načelnika općine i općinskih službi za 2020.godinu.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Glasalo 10 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 2 Prijedlog Programa rada Općinskog vijeća Maglaj za 2020.godinu;

Emina Hasanić – uvodno izlaganje

Dana 05.12.2019.godine od svih ovlaštenih predlagača Služba Općinskog načelnika i Općinskog vijeća je zatražila, odnosno prosljedila dopis da dostave prijedloge za Program rada OV. Dopis je prosljedjen svim rukovodiocima općinskih službi, javnim ustanovama i javnim preduzećima, svim političkim strankama koje participiraju u radu Općinskog vijeća, školama, udruženjima i mjesnim zajednicama. Do 20.12.2019.godine prijedloge za program rada OV za 2020.godinu dostavili su samo općinske službe (Služba za privredu, finansije i razvoj poduzetništva, Služba za boračko-invalidsku i socijalnu zaštitu Opću upravu i društvene djelatnosti, Služba za urbanizam, geodetske i imovinsko pravne poslove), koji su u cjelosti ušli u Program rada Općinskog vijeća Maglaj za 2020.godinu, kakav ste dobili u materijalima.

Obzirom da je na sastanku predsjednika političkih stranaka, koji je održan 08.01.2020.godine, ponovo predloženo da političke stranke dostave svoje prijedloge u roku od sedam dana, te da ni u ostavljenom roku nije bilo nikakvih prijedloga, na Kolegiju OV je predloženo da Program rada OV ide u Prijedlogu, što je i usvojeno, te time danas upravo i imate materijal u Prijedlogu.

Otvaram raspravu

Vijećnik Adis Abdurahmanović, kao što smo i prethodnih godina sugerisali da se na sjednici OV prvo nađe Izvještaj o radu OV, u protekloj godini, pa tek onda Program rada za tekuću godinu i danas smo mišljenja da bi bilo bolje da smo imali Izvještaj pa da vidimo kako je to zaista Vijeće funkcionisalo, šta se realizovalo iz prethodnog programa, pa bi samim time i diskusije bile efikasnije. Klub vijećnika SDA je suzdržan po ovoj tački.

Vijećnik Hajrudin Fermić, želim samo jedno pojašnjenje da iznesem i zbog javnosti. Naime, DF je u ove prethodne tri godine bila jedini politički subjekt koji je predlagao tačke, odnosno teme u Program rada OV i to je Predsjedavajuća više puta i rekla i potvrdila tu činjenicu i bili smo jedini koji su osim Službi i predlagali i ono što je i uvršteno u ovaj Program i što je praktično i nosio aktivnosti OV.

Nažalost, ili na sreću mi ove godine nismo nikakav novi prijedlog imali iz prostog razloga što je ostalo dosta stvari koje prenosimo u ovu godinu i koje sasvim sigurno zaslužuju i ništa ne umanjuju važnost i težinu ovog predloženog Programa rada OV, koji je i dalje i ambiciozan i ozbiljan za jedno OV. Ono što želim kroz svoju diskusiju samo neki par tehničkih prijedloga i sugestija da iznesem ovdje je u suštini samo to što se dobrim dijelom prepisale tačke dnevnog reda iz ovog prethodnog 2019. U 2020. Godinu, pa su tako se prepisale i neke koje smo mi realizovali, a koje ne bi trebale da budu ovdje, a imamo i jedan-dva konkretna prijedloga za ovaj Program rada. Ja ću ovo iščitati.

Tačka 24. Ovog Programa Odluka o načinima izbora organa u MZ , mislim da treba izbrisati, to smo davno prevazišli, ne treba nam ona više.

Tačka 22. Program javne higijene i zimsko održavanje na području općine Maglaj i Program održavanja javnog zelenila, to smo već imali. Dakle, brisati 26 i 27. Izbrisati CZ već imamo informaciju. Onu informaciju o rizicima od prirodnih nepogoda, ona treba da dođe u period mart-april. Dakle, to govorim o informacijama o stanju protivpožarne zaštite o klizištima o NUS-u, a to sve treba da bude u martu u okviru jedne informacije, tako smo se ranije i dogovarali.

Izbrisati tačku 28. Odluku o privremenom korištenju državnog zemljišta. Ta Odluka je bila nekad zamišljena ranije da se donese zemljište se koristi ili legalno ili ilegalno, odnosno bespravno i za jednu i drugu varijantu Zakoni su jasno propisali određene stavke, tako da i privremeni objekti koji se tu nalaze imaju u zakonu, šta, ko, kako smije privremene neke objekte da koristi na tom zemljištu.

Nama u stvari treba jedna Informacija o privremenom korištenju državnog zemljišta, da imamo na sjednici OV i da vidimo koja je to, kakve su sve strukture, kakvi su oblici korištenja, kakve su potrebe tih ljudi itd. To je moj prijedlog da to bude Informacija a ne prijedlog Odluke o privremenom korištenju.

Tačka 42. Treba da stoji Program utroška sredstva iz Budžeta. Mi smo tražili programe rada NVO, boračkih udruženja itd. a mi zapravo trebamo da tražimo od njih Program utroška sredstava iz Budžeta. To je tačka 42. Odnosni se na ta udruženja. Mislim da se razumijemo kad nama dostavljaju JOB svoju informaciju o radu ili Programe rada, nema trebaju u stvari njihovi programi utroška sredstava koje dobijaju iz Budžeta.

Tačke 52 i 53. Također treba izbrisati. To je opet ono što je nezakonito, što ne možemo svojom općinskom odlukom a to je ona Odluka o proširenju poslovnih prostora, kriterijima, mjerilima poslovnih prostora. Zakon je rekao ili se mogu ili se ne mogu proširiti.

Tačka 63. Izbrisati Informacija o provedbe Odluke o socijalnoj zaštiti, ona je bila prošle godine imali smo informaciju iz koje su izašli određeni zaključci između ostalog ti zaključci da nama budu ovdje prijedlog Odluke o socijalnoj zaštiti, tako da nam to ne treba. Ta Odluka ima i kroz nacrt i kroz prijedlog, zbog toga govorim.

Tačka 75. To je ta informacija o rizicima od prirodnih nepogoda na području općine Maglaj, ona samo treba da bude u periodu mart-april.

Tačka 82. To je inicijativa koliko sam je razumio i Kluba SDA i Udruženja malih privrednika koja je bila kod nas u programu i ranijih godina, ali zbog tih inicijativa, predlažem da ova informacija o stanju obrta malog i srednjeg poduzetništva da se uvrsti u period mart-april kao tematska tačka.

Informacija o stanju javnog reda i mira za prethodnu 2019.godinu tehničkom greškom je nemamo, da to bude također u periodu mart-april.

Vijećnik Nedžad Lokmić, Klub vijećnika SDP-a je razmatrao ovaj prijedlog Programa rada OV za 2020.godinu isti smatramo dobrim, kvalitetnim, detaljnim sa precizno definisanim pitanjima, poslovima, zadacima, rokovima, nosiocima tih aktivnosti i što je vrlo bitno isti Program je otvoren, može se dopunjavati, mijenjati na prijedlog vijećnika, Klubova, udruženja itd. U ime Kluba SDP-a prihvatamo Program rada OV za 2020.godinu.

Dopredsjedavajući, obzirom da je gospodin Lokmić rekao da će Klub SDP-a prihvatiti ovakav prijedlog programa rada kakav je u prijedlogu ja sam imao nekih izmjena i dopuna, ne znam ima li potrebe za dodatnim konsultacijama i usaglašavanjima ili...?

Vijećnik Mirza Bradarić, kolega Lokmić je iznio stav Kluba SDP-a mi smo ga posmatrati ovako kako smo ga dobili u materijalu, međutim, radi same efikasnosti rada OV, ako nema potrebe za ovim stvarima da budu uvrštene, a da umjesto njih možemo uvrstiti nešto što je konkretnije, nešto što će biti od važnosti za sve građane općine Maglaj, mi nemamo ništa protiv, tako da prihvatamo taj vaš prijedlog.

Dopredsjedavajući – Zaključujem raspravu i dajem na glasanje

Z A K L J U Č A K

2.1. Usvaja se Program rada Općinskog vijeća Maglaj za 2020. godinu uz predložene sugestije od strane dopredsjedavajućeg.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Glasalo 10 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 3 Operativni budžetski kalendar za izradu i donošenje Budžeta/Proračuna Općine Maglaj za fiskalnu 2021.godinu;

Senada Alibajraktarević – uvodno izlaganje

Kao što ste vidjeli u materijali imaju Operativni budžetski kalendar za izradu i donošenje Budžeta/Proračuna Općine Maglaj za 2021. Godinu i Dokument okvirnog Budžeta/Proračuna Općine Maglaj za period 2021/2023.godina

Na osnovu člana 15. Zakona o budžetima u Federaciji BiH i člana 18. Statuta Općine Maglaj Općinsko vijeće donosi Operativni budžetski/proračunski kalendar za izradu i donošenje Budžeta/Proračuna Općine Maglaj za 2021.godinu i Dokumenta okvirnog Budžeta/Proračuna Općine Maglaj za 2021/2023.godinu. To je u stvari plan aktivnosti koje je potrebno poduzeti za izradu i donošenje Budžeta/Proračuna Općine Maglaj i Dokumenta okvirnog Budžeta za period od tri godine. Imate u materijalu aktivnosti koje je potrebno poduzeti tokom 2020.godine sa terminima najkasnijeg donošenja i samo da napomenem da Dokument okvirnog Budžeta/Proračuna Općine Maglaj donosi Općinski načelnik do 30.juna tekuće godine, a podnosi se kao informacija Općinskom vijeću uz Nacrt Budžeta/Proračuna Općine Maglaj za narednu godinu.

Otvaram raspravu

Vijećnik Firuz Galijašević, Korisnici budžetskih sredstava su imali mogućnost dostavljanja potrebne dokumentacije a vezano za budžetski kalendar i Dokument okvirnog proračuna i mišljenja sam da građani općine Maglaj neće ostati bez DOP-a (Dokumenta okvirnog proračuna) i zato će Klub SDP-a da podrži Operativni budžetski/proračunski kalendar za izradu i donošenje Budžeta za 2021.godinu i Dokumenta okvirnog proračuna za period 2021/2023.godina.

Vijećnik Mirsad Bejzić, obzirom na to da se ovdje radi o zakonskoj proceduri koja mora biti ispoštovana u skladu sa Zakonom o budžetima u FBiH, Klub vijećnika SDA će prihvatiti ovakav Operativni budžetski kalendar.

Dopredsjedavajući – Zaključujem raspravu i dajem na glasanje

Z A K L J U Č A K

3.1. Usvaja se Operativni budžetski kalendar za izradu i donošenje Budžeta/Proračuna Općine Maglaj za fiskalnu 2021.godinu.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 4 Plan aktivnosti za implementaciju Platforme za mir 2018-2020. Općinsko vijeće;

Vijećnica Svjetlana Zamboni – uvodno izlaganje

Kao što znate mi smo 2018.godine potpisali Platformu za mir i jedna smo od mnogobrojnih općina na području BiH koja podržava ovu Platformu za mir. Ona je okvirni i deklarativni dokument koji ističe mir kao jednu od temeljnih i najvećih vrijednosti BiH njenih naroda i njenih građana. U ime OV Predsjedavajuća OV saglasna je svojim potpisom i opredjeljena da Platforma za mir i odredbe proistekle iz nje posluže kao temelj ne samo u smislu izgradnje povjerenja i osnaživanja procesa pomirenja među narodima u našoj zemlji, nego i kao okvir za poduzimanje konkretnih aktivnosti za koje će se potpisnici ovog dokumenta opredijeliti. Dakle, kao što znamo Platforma za mir je potpisana u obavezi nam je ostalo donošenje Akcionog plana za provođenje te platforme za mir, ovog dokumenta. U materijalu koji ste dobili imate predložene korake na koji način postići i dokazati našu opredjeljenost za mir, za toleranciju i povjerenje među građanima općine Maglaj, to je ovaj drugi dio, a u samom Akcionom planu predviđene su aktivnosti i maksimalna podrška OV svim aktivnostima koje proizilaze i iz Budžeta i zahtijevaju određena budžetska sredstva, a opet u cilju ostvarivanja pomirenje i tolerancije na području općine Maglaj. Mislim da ovdje nema ništa sporno, mi smo već svojim potpisivanjem potvrdili da jesmo opredjeljeni na način na koji smo se izjasnili, možda samo OV obzirom da sam to radila bez konsultacije Vijeća, ovaj niz koraka koje mi možemo poduzeti, jedino možda još postoje neki prijedlozi koje biste i vi sami htjeli da uvrstite u Akcioni plan, tako da možemo pozvati i predstavnike Probudućnosti i potvrditi svoju opredjeljenost. Ono što je jako važno jeste da potpisivanjem Platforme za mir i donošenjem Akcionog plana Općina Maglaj može pristupiti zaista značajnim finansijskim sredstvima kroz projekte, a u ovoj godini Općina Maglaj je na redu za velike infrastrukturne projekte, međutim bez potpisivanja Akcionog plana nemamo ni mogućnosti da pristupamo tim sredstvima, tako da pozivam sve nas da podržimo ovaj Akcioni plan i da utvrdimo svoju opredjeljenost za ono što ova Platforma za mir i tvrdi da jeste.

Otvaram raspravu

Vijećnica Selma Avdić, što se tiče ovog Plana aktivnosti za implementaciju Platforme za mir, Klub vijećnika SDA prihvata Plan aktivnosti za implementaciju Platforme za mir 2018-2020.godine.

Vijećnik Safet Jašić, naravno da prihvatamo, to je sigurno i u ovoj općini što se tiče nas uvijek je tako i bilo, podržavamo svaki ovaj plan, posebno ovaj. Međutim, volio bih kad dođu predstavnici tih onda ćemo možda otvoreno razgovarati o nekim stvarima i reći da nije to svugdje baš tako. Da nisu svi ljudi opredijeljeni za mir, da nisu opredijeljeni za ono što u Maglaju je uvijek bilo i postojalo. Ovi posljednji događaji koji su na društvenim mrežama vidjeli ste svi, mislim da nam to ne daje nam optimizam prevelik kad su ovi prostori ne kažem ovi ovdje, ja sam rekao zašto smo mi opredijeljeni, nego misli da treba više raditi a biće prilike gdje ćemo mi vjerovatno prisustvovati svi takvim predavanjima i izlaganjima tih koji su nam poslali i ovaj materijal i da se malo više bave tamo gdje zaista problemi postoje. Prihvatamo sve ovo i prihvatamo ljude koji budu dolazili ubuduće i svaki program po ovom pitanju što se nas tiče Kluba, naravno mislim da bi se i ostali izjasnili da je to tako, ali da treba malo više raditi tamo gdje treba to je tako.

Dopredsjedavajući – Zaključujem raspravu i dajem na glasanje

ZAKLJUČAK

4.1. Usvaja se Plan aktivnosti za implementaciju Platforme za mir 2018-2020.

Općinsko vijeće ovlašćuje Predsjedavajuću Općinskog vijeća da može i potpisati Plan aktivnosti za implementaciju Platforme za mir 2018-2020.godine.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 5 Rješenje o imenovanju Komisije za izbor Općinskog pravobranioca Općine Maglaj;

Emina Hasanić – uvodno izlaganje

Dana 18.12.2019.godine od strane Načelnika općine donesena je Odluka o provođenju procedure za izbor i imenovanje Općinskog pravobranioca Općine Maglaj, te istog dana objavljen javni konkurs za navedeni izbor i imenovanje. Obzirom da dana 12.02.2020.godine ističe četverogodišnji mandat sadašnjoj općinskoj pravobraniteljici Nermini Botonjić, neophodno je donijeti Rješenje o imenovanju Komisije za izbor Općinskog pravobranioca Općine Maglaj, kako bi uspješno okončali proceduru izbora i imenovanja što prije.

Članom 33. Zakona o pravobranilaštvu Zeničko – dobojskog kantona, definisano je da Općinskog pravobranioca imenuje općinsko vijeće, na prijedlog općinskog načelnika. Pošto naredna sjednica Općinskog vijeća,

pretpostavljam neće biti do 12.02.2020.godine, a članom 36. navedenog zakona je definisano da ukoliko nema općinskog pravobranioca općinski načelnik će ovlastiti lice iz reda diplomiranih pravnika koji je državni službenik, zaposlen u općinskoj upravi da obavlja poslove općinskog pravobranioca, a najduže do godinu dana, predložila bih da Općinsko vijeće donese Zaključak kojim predlaže Načelniku općine da ovlasti Nerminu Botonjić, dipl.pravnika da može zastupati Općinu Maglaj u periodu do imenovanja novog pravobranioca, odnosno da se premosti taj period od 12.02.2019.godine do naredne sjednice, tačnije za period do imenovanja novog pravobranioca.

Otvaram raspravu

Vijećnica Šahman Anida, Klub vijećnika SDA prihvata prijedlog koji je iznijela gospođa Emina Hasanić i također prihvatam i Rješenje o imenovanju Komisije za izbor Općinskog pravobranioca.

Dopredsjedavajući – Zaključujem raspravu i dajem na glasanje

Z A K L J U Č A K

5.1. Donosi se Rješenje o imenovanju Komisije za izbor Općinskog pravobranioca Općine Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Juršić (HDZ BiH).

Glasalo 10 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

5.2. Općinsko vijeće predlaže Načelniku općine da ovlasti Nerminu Botonjić, dipl.pravnika, da može zastupati Općinu Maglaj u periodu do imenovanja novog Pravobranioca.

Glasalo 12 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Glasalo 11 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Juršić (HDZ BiH).

Dopredsjedavajući, imam prijedlog od strane Načelnika općine a i moj je prijedlog da tačke 6,7, i 8. Sastavimo i da diskutujemo o sve tri tačke a da se izjašnjavamo pojedinačno. Da li ste za to? Zbog efikasnosti. Svi vijećnici su saglasni sa ovim prijedlogom.

AD – 6 Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg/dopredsjedavajućeg i naknada članovima Komisija Općinskog vijeća;

AD – 7 Odluka o kriterijima, mjerilima i načinu finansiranja parlamentarnih grupa političkih stranaka i samostalnih vijećnika u 2020. godini;

AD – 8 Odluka o visini naknade članovima Općinske izborne komisije;

Otvaram raspravu, nije bilo rasprave

Dopredsjedavajući – Zaključujem raspravu i dajem na glasanje

Z A K L J U Č A K

6.1. Usvaja se Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg/ dopredsjedavajućeg i naknada članovima Komisija Općinskog vijeća.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Dajem na glasanje prijedlog

Z A K L J U Č A K

7.1. Usvaja se Odluka o kriterijima, mjerilima i načinu finansiranja parlamentarnih grupa političkih stranaka i samostalnih vijećnika u 2020. godini.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Dajem na glasanje prijedlog

Z A K L J U Č A K

8.1. Usvaja se Odluka o visini naknade članovima Općinske izborne komisije.

Glasalo za 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Glasalo 1 glas protiv: Hajrudin Fermić (DF)

AD – 9 Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio“ zahtjev Zovko Metilda iz Žepča, po punomoćniku Rizi Mezetoviću, advokatu;

Nedžad Čatić – uvodno izlaganje

Ovdje se radi o Odluci o pristupanju djelimičnoj izmjeni Regulacionog plana „Centar Maglaj-sjeverni dio“ po zahtjevu Zovko Metilde iz Žepča, zastupane po Rizi Mezetoviću.

To je prostor tamo gdje je Vila Bjanka, sadašnjim Regulacionim planom je predviđeno da taj objekat ostaje i ima u jednom dijelu predviđen dio jedne lamele, oni u svom dijelu traže da se usvoji Regulacioni plan da se u tom dijelu faktički koja je njihova parcela da se predvidi objekat 20x40 P+4 i da se faktički onaj objekat koji je Vila Bjanka poruši. Ovo je prijedlog o pristupanju, poslije ovoga ako se donese ova Odluka, onda ide raspisivanje tendera da se izabere izvođač radova, zatim ukoliko ide redovna procedura ide prednacrt, pa nacrt koji ide na Vijeće, pa javna rasprava pa prijedlog. To je procedura koja je takva kakva je. Samo bi trebalo u ovom dijel da se stavi da ide u redovnu proceduru.

Otvaram raspravu

Vijećnik Safet Jašić, ovo što je gospodin Čatić rekao mi smo to na Klubu i razmišljali o tome, jer ovdje piše da se predlaže da se ta zgrada Vila Bjanka poruši. Mi smo bili zauzeli stav i sad ću ga iznijeti. Mi nismo za bilo kakvo rušenje takvih zgrada jer se te zgrade čuvaju u svim drugim mjestima i ovdje su se čuvale. Ne znam šta je pozadina svega ovoga Klub vijećnika SDA predlaže da Općina Maglaj bez obzira na ovu proceduru uputi prijedlog Komisiji za očuvanje nacionalnih spomenika BiH za proglašenje objekta Vila Bjanka nacionalnim spomenikom BiH. Smatramo da ne bi trebali dozvoliti da se ovaj objekat ukloni i iz tih razloga Klub vijećnika SDA je protiv izmjene Regulacionog plana, takav nam je bio stav Centar Maglaj – sjeverni dio po zahtjevu Zovko Metilde. Stav Kluba SDA je da se u najmanju ruku uputi zahtjev za očuvanje ove zgrade Vila Bjanke.

Vijećnik Hajrudin Fermić, ja sam pokušao da pređemo preko ovoga malo i neozbiljno, zapravo suštinski sam mislio da smo svi dobro iščitali i shvatili dvije stvari. Prvo to je privatna zemlja i privatni objekat i mi moramo davati poruku svim građanima i svim zainteresovanim ljudima da prihvatamo i razmatramo njihove inicijative i prijedloge odluka. To je po službenoj dužnosti obaveza Službe da nama dostavi ovdje i da mi kažemo hoćemo ili nećemo. Ono što je važno, to je zaista tako kako ste vi rekli, da kad dođe do toga da budemo glasali definitivno hoćemo da prihvatimo izmjene Regulacionog plana ili nećemo, kad bude prijedlog Odluke, tada svi imamo jedan ogroman zadatak i težinu političku težinu donošenja, glasanja za ili protiv. Međutim, u cijeloj ovoj priči, ipak poštujući ovaj prijedlog, poštujući ove procedure koje su i zakonske, mi to je bila moja želja i moja namjera da obavimo jednu široku javnu raspravu u gradu sa svim relevantnim i subjektima, udruženjima građana, predstavnicima političkih subjekata, građanima samim itd. o tome šta nama znači ta konkretno zgrada koja ima svoju historijsku težinu, a koja je privatno vlasništvo. Iz tih razloga ja glasam i smatram da je to sasvim normalno da i drugi prihvate da danas donesemo odluku, pokazujući tom potencijalnom investitoru da smo ozbiljni u tome, da kažemo hoćemo da idemo u Nacrt izmjene Reg. Plana koji će nam doći nakon što ga uradi taj nosilac izrade plana kao nacrt u kome ćemo mi već da imamo određene definisane jasne stavove i građana i svih ostalih šta ćemo u tom postupku a naravno i u toku javne rasprave da čujemo mišljenja svih ovih koje sam pobrojao kako bi relevantno konačno i ozbiljno glasali za ili protiv. Slažem se da će i kroz ovu javnu raspravu pokazati se koliko je zapravo Maglaju svima nama stalo da sačuvamo tu Vila Bjanka, da je proglasi neko ako može ako zadovoljava kriterije da je proglasi neko nacionalnim spomenikom i šta to znači za eventualno finansiranje i šta dalje znači u odnosima Općine i tog privatnog posjednika, odnosno privatnog vlasništva i objekta i zemljišta. Puno je tu dosta stvari ali i samim tim mi jednostavno dajemo mogućnost građaninu da kroz javnu raspravu da i njih čujemo.

Vijećnik Safet Jašić, zašto smo mi iznijeli ovakav stav? Ta zgrada Vila Bjanka mi znamo čije je ona vlasništvo bila. Ja postavljam pitanje svima nama. Da li su sve obaveze „Gradine“ ispunjene, odnosno potraživanja „Gradine“ od sadašnjeg vlasnika koji se pojavljuje? Ovdje su ljudi iz „Gradine“ dolazili štrajkali, molili , preklinjali da im se doplati staž. Od tie iste firme, od tih osoba i „Gradina“ je kupljena za bagatelu, sve je odneseno. Vila Bjanka je vlasništvo „Gradine“ oni su naslijedili Vila Bjanku, a nisu ispunili svoje obaveze prema radnicima „Gradina“ iz ovog razloga ja govorim. Nemojte žuriti, ovo ne treba preko koljena prelamat, hajmo sve preći, ali ono što nam je bitno nemojte da prelazimo tek tako preko tih stvari. 100% znam i da ne pričam i o ovom zemljištu šta se sve događa, plaćeno od strane Općine itd., to su izuzetno veliki broj problema sa tom firmom, odnosno sa tim osobama. Neću reći ali sigurno 200 ljudi „Gradine“ je čekalo da im se uplati taj bijedni staž koji nisu neki ni dočekali, neki su čekali godinama pa sami sebi doplaćivali itd. Iz ovog razloga ja vas upozoravam, mi nećemo to podržati sigurno, što god da se radi dok se ne raščiste ove stvari koje smo iznijeli.

Dopredsjedavajući – prejudiciramo stvari i govorimo o stvarima koje objektivno i nisu za nas. Zaključujem raspravu i dajem na glasanje

Z A K L J U Č A K

9.1. Usvaja se Odluka o pristupanju djelimičnoj izmjeni Regulacionog plana „Centar Maglaj-sjeverni dio“ zahtjev Zovko Metilda iz Žepča, po punomoćniku Rizi Mezetoviću, advokatu.

Glasalo 12 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnik, Josip Jurišić (HDZ BiH).

Glasalo 10 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Glasalo 1 glaslo uzdržan: Firuz Galijašević.

Z A K L J U Č A K

9.2. Djelimična izmjena Regulacionog plana „Centar Maglaj-sjeverni dio“ po zahtjevu Zovko Metilde iz Žepča vodit će se u redovnom postuku.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnik, Josip Jurišić (HDZ BiH).

Glasalo 10 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Z A K L J U Č A K

9.3. Općina Maglaj će putem Službe za urbanizam, geodetske imovinsko pravne poslove uputiti dopis Komisiji za očuvanje nacionalnih spomenika sa prijedlogom da se Vila Bjanka proglasi nacionalnim spomenikom.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Pauza do 13,00 sati

Nakon pauze na sjednici je prisutan 21 vijećnik, nisu prisutni vijećnici Nedžad Alispahić i Josip Jurišić, koji je najavio izostanak.

AD – 10 Nacrt Odluke o prosječnoj građevinskoj cijeni 1 m² korisne stambene površine na području općine Maglaj za 2020. godinu;

Otvaram raspravu

Vijećnik Edib Delić, Klub vijećnika SDA je razmatrao ponuđenu Odluku i predlaže da visina prosječne građevinske cijene 1 m² korisne stambene površine ostane na nivou prošlogodišnje, tj. u iznosu od 730,00 KM.

Dopredsjedavajući – Zaključujem raspravu i dajem na glasanje

Z A K L J U Č A K

10.1. Usvaja se Nacrt Odluke o prosječnoj građevinskoj cijeni 1 m² korisne stambene površine na području općine Maglaj za 2020. godinu.

10.2. Otvara se javna rasprava, a prijedlog Odluke da se dostavi na narednu sjednicu Općinskog vijeća.

Glasalo za 21. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 11 Informacija o provedenim aktivnostima po Nacrtu Statuta MZ;

Otvaram raspravu

Vijećnik Firuz Galijašević, Klub vijećnika SDP-a prima k znanju Informaciju o provedenim aktivnostima po Nacrtu Statuta MZ i predlaže zaključak: Da sve mjesne zajednice obave ili održe izbore novog rukovodstva u mjesnim zajednicama do 31.03. 2020.godine i ako neko ne obavi izbor, da se u tim mjesnim zajednicama izabere Povjerenik ili Povjereništvo.

Vijećnik Edib Delić, replika – predloženo je da se provedu izbori u svim mjesnim zajednicama zaključno sa martom, po meni je to nemoguće zato što procedure i sve ovo ostalo, nismo donijeli nikakve zaključke, nikakve Odluke. Ova procedura sada je stala, obavljene su javne rasprave na nacrt Statuta, treba donijeti sve odredbe ovaj organ, pa da se onda krene u izbore u mjesnim zajednicama.

Pauza za Klub SDA

Vijećnik Safet Jašić, čuli smo da se radi o Informaciji kad su u pitanju mjesne zajednice i proizašli su neki zaključci il prijedlozi gospodina Galijaševića. Mi danas treba da govorimo o informaciji, nismo ni za kakve naknade zaključke što se tiče provođenja izbora u mjesnim zajednicama. Nije bilo davno da se prisjetimo da je većina u Vijeću donijela Odluku o mjesnim zajednicama tj. Odluku o postupku registracije i načinu vođenja registra. Provedena je javna rasprava i to je svima poznato o Nacrtu Statuta mjesnih zajednica i sada naravno umjesto da se nastavi ta aktivnost predložimo sada izbore u mjesnim zajednicama i to sa rokovima. Ja postavljam pitanje onome ko je predložio taj zaključak na koji način i po kojim pravilima mislite provesti izbore u mjesnim zajednicama, a reći ću stav Kluba poslije toga koji smo pripremili, znajući da će se ovo dogoditi.

Vijećnik Hajrudin Fermić, tok rasprave me nagnao da se malo i posjetimo i prisjetimo svih događaja koji su prethodili ovoj Informaciji. Naime, ono što se u mnogim mjesnim zajednicama evidentiralo jeste činjenica da je odavno prestao mandat legalno izabranim vijećima MZ. Također je činjenica da kako u Službu tako meni kao vijećniku, a sigurno i drugim vijećnicima mnogi sa terena dolaze sa molbama, zahtjevima za što prije održavanjem tih zborova na kojima bi se izabralo legalno, legitimno tijelo Vijeća MZ, predsjednika itd., zato što sam život na tim područjima jednostavno trpi zbog ovog određenog vakuma u cijeloj ovoj priči. Važno je napomenuti da svim mjesnim zajednicama sad nekad u mjesec-dva ističu i onim što su imali najduže mandat, ističe i da je i to isto tako važna činjenica koju sam ja shvatio u ovom prijedlogu gospodina Galijaševića predlažući ovaj zaključak. Ono što je također činjenica na terenu ja sam rekao oni koji su ozbiljno pročitali ovu Informaciju mogli su da vide d je izuzetno dug rok prolongiran rok u odnosu na sve one rokove koje je OV dalo po mjesnim zajednicama da se utvrde Nacrti Statuta mjesnih zajednica u skladu sa Statutom Općine u skladu sa ovom Odlukom o osnivanju, odnosno organizovanju mjesnih zajednica i nama su došli samo iz osam mjesnih zajednica prijedlozi koji u 99% zapravo zadiru u pitanje problematiku, izmjena Statuta Općine Maglaj. Dakle, jednog posla koji je nebrojeno puta ovdje je rečeno i za ovom govornicom, na javnim tribinama i okruglim stolovima koji su se vodili da je to dug, složen posao i proces u kojem je upitno kako bi to sve prošlo. Ne samo zbog pitanja rada i finkcionisanja mjesnih zajednica, nego i drugih teških političkih tema, tako da jednostavno se kroz ove odluke i kroz raspravu koju smo očekivali da bude kvalitetna u mjesnim zajednicama po pitanju Nacrta Statuta mjesnih zajednica, trebalo učiniti ono što je realno moguće a da je najbolje za ljude koji žive na područjima mjesnih zajednica. Dakle, moram samo da pomenem i da podsjetim da ni jedna mjesna zajednica nije ovdje dostavila, barem ja nemam, a znam sigurno da nemate ni vi, ni jedan zapisnik u kojima je taj Statut prihvaćen i poslan nama ovdje na davanje saglasnosti onako kako to procedure i nalažu. Nemamo ni jednog validnog Statuta koji je usaglašen i za kojeg možemo reći evo taj Statut ide dalje. Isto tako je činjenica da ova Odluka o osnivanju mjesnih zajednica daje određene pravce između ostalog i provođenja izbora u mjesnim zajednicama. Tu je podosta stvari kad se uzme Statut Općine, kad se uzme ova Odluka o osnivanju mjesnih zajednica je faktički dala dosta elemenata da se provedu izbori. Također je bitno da i u ovim važećim Statutima mjesnih zajednica ima dosta odredbi koje regulišu pitanje izbora i mislim da nema ni jednog razloga da mi danas, to je moje mišljenje, kroz određene zaključke i odluke i ne donesemo neke smjernice kako da se u roku, ja se slažem i prihvatam da je to neki orijentacioni rok kako ste vi gospodine Galijaševiću predložili 31.03.2020.godine i provedu ovi izbori jer ovom Odlukom o osnivanju mjesnih zajednica, stoji da OV svojom odlukom i raspisuje izbore i to da se ti izbori provode u roku od 30 do 60 dana u ovoj važećoj našoj. Problem je dakle, u nesaglašenosti ovih statuta koji su trebali biti doneseni po mjesnim zajednicama sa

važećim Statutom Općine i Odlukom o osnivanju mjesnih zajednica. Zato ja predlažem jedan kompromisan zaključak; da se donese danas Odluka o raspisivanju izbora u mjesnim zajednicama, kako stoji jednoobrazno u svim mjesnim zajednicama u tom i tom roku od 30 do 60 dana, vi ste predložili 60 dana i to tako da se urade po važećim Statutima mjesnih zajednica koje nisu u suprotnosti sa ovom Odlukom o osnivanju mjesnih zajednica, a mislim da važeći statuti u 95 % slučajeva nisu u suprotnosti sa ovom odlukom. Sve one mjesne zajednice koje dostave OV Maglaj u tom periodu od 60 dana sa svojih zborova, ja znam da će mnogi organizovati te zborove i zbog završnih računa i zbog svojih planova, izvještaja, možda su to neki već uradili itd. ali oni koji donesu Statut usaglašen novi Statut MZ, bez ikakvih problema mogu ga staviti na dnevni red OV da dobiju saglasnost i da i taj akt bude relevantan i važeći.

To je moj prijedlog, mislim da je razuman i još nešto. Bez obzira na različite političke poglede u cijeloj ovoj priči oko mjesnih zajednica, svi smo se mi slagali da ove izbore ne trebamo raditi i vršiti u onom periodu povišene atmosfere, političke izborne atmosfere itd. i ako to ne uradimo u ovom periodu kako je predloženo bojim se da ćemo ući u tu atmosferu, taj jedan ružan ambijent povišene političke izborne atmosfere. To je nešto što sam pokušao konstruktivno ovdje da iznesem i na kraju krajeva to je prijedlog mog zaključka, odnosno odluke.

Vijećnik Edib Delić, ispravka krivog navoda. U vašoj diskusiji ova fama oko izbora u mjesnim zajednicama traje već četvrtu godinu i ovo se mora završiti i riješiti na obostrano zadovoljstvo. Nemojte ovdje da steknemo utisak da ima neko ko ima nešto protiv izbora u mjesnim zajednicama. Ova se oblast trebala riješiti i treba je riješiti. Znači puno je problema u mjesnim zajednicama, čak i kad su bili važeći izbori u mjesnim zajednicama, bilo je mjesnih zajednica koje rade i koje ne rade. Tako je i danas tanje u mjesnim zajednicama. Ne znam kako je ali znam od prilike u susjednim predstavnikama svih kontaktiram i znam kakvo je stanje u svim mjesnim zajednicama. Ponavljam još jednom niko ništa nema protiv izbora u mjesnim zajednicama. Na kraju krajeva niti ja niti mi svi ovdje odlučujemo ko će biti predsjednik i ko će imati vijeće u mjesnim zajednicama to isključivo određuju građani u onim mjesnim zajednicama gdje će se vršiti izbori. Znači ne treba imati ovdje tu famu da se neko boji, ja sam igrom slučaja predsjednik MZ Moševac i sad ja se trebam bojati da ja ostanem predsjednik MZ. Ne pitam se ni ja, ni vi ovdje, nego se pitaju oni građani koji će dati povjerenje, odnosno neće dati povjerenje. Ono što hoću da iskristališem da je jasna činjenica, je prvo da kažem gospodinu Fermiću da mi nismo dostavili zapisnike sa održanih sastanaka za Nacrt Statuta, dostavili smo uredno sve, ono što se tražilo iz općinske službe, dostavljeno je sve i sa javne rasprave i sa sastanaka oko nacrtata Statuta. Tako da imaju sve podaci, po meni je trebalo, što izlazi pitanje za sve nas. Kako i na koji način izvršiti izbore? Ako nismo završili ovu proceduru sa novim Nacrtom Statuta, onda trebamo naravno ispoštovati odredbe Statuta starog koji je na snazi. Znači on je na snazi dok se ne promijeni stari Statut. Ono što se pokušalo naturit ovdje sa određenim komisijama, ili ne znam čijim tijelima koji će vršiti provedbu izbora, znači to stari Statut naših MZ ne prepoznaje i nema tih. Po meni ako već moramo ići u tu proceduru onda treba tačno se pridržavati odredaba Statuta starog koji je na snazi. To da se Vijeće MZ bira na samom Zboru direktno podizanjem ruku i to je po meni način koji bi trebao ostati. Ne znam možda neko ima drugačije mišljenje, ali ovo da ima pritisaka od strane mjesnih zajednica, nema bolan. Ima sa jedne i znamo svi odakle to puše vjetar ima iz Čoba, gdje se pokušalo isto ko i meni prije godinu dana određene peticije pojedinih ljudi i sad evo ga pritisak na Vijeće treba donijeti odluku. Ako mislite da to treba, bujrum, donijet ćemo je svi ovdje i trebamo je donijeti ali usaglasiti stavove i principe po kojima ćemo se svi ponašati, a ne ima pritisaka ima jedna mjesna zajednica koja radi, da li ne radi ne znam i neću ne interesuje me, ali to nije većina mjesnih zajednica. Ja vam još jednom podvlačim MZ su naučile raditi, onako kako su i do sad radile. Ja ću biti jadam ako mene neko morao tjerati s nekog nivoa da ja radim za svoju MZ. Ja sam tu i u interesu mi je da radim za svoju MZ. Ne treba me niko tjerati, a građani će naravno ocijeniti moj rad i sutra će mi kazati Edo makni se nisi više za ovog, doće novi mlađi čovjek koji ima više ambicija i podrške i nikakav problem nije. I tako bi trebalo u svim mjesnim zajednicama odraditi. Znači niko se ovdje ne boji, samo nam recite kako i na koji način, naravno u skladu sa važećim Statutom.

Vijećnik Hajrudin Fermić, mislim da nema osnova za ispravku krivog navoda, jer sam ja tačno i decidno rekao da je bilo osam zapisnika koji su dostavljeni i tačno se znaju koje su MZ piše, ali ni jedna faktički nama do sad nije dostavila svoj Nacrt Statuta da damo saglasnost. Ja nemam, ne možete to pobiti. Nemamo ovdje da potvrdimo. Prema tome, nije krivi navod. To je jedno, drugo nemojte zaista, opet dolazimo u situaciju da dižemo tenzije. Niko evo ja nisam ni znao da ima problema u Čobama vjerujte da nemam pojma, to možda neki drugi subjekti znaju, ali ja ne znam. Ja znam da ima mještana u Misurićima koji već odavno traže da se provede postupak izbora Vijeća mjesne zajednice. Ja znam meni ljudi dolaze, pitaju i traže iz Bočinje, iz Krsnog Polja i još mnogih drugih mjesnih zajednica. Dakle, ne spominjem ja ni Kopice, ni Čobe ni bilo koju drugu konkretno mjesnu zajednicu. Jedan veliki broj ljudi iz mjesnih zajednica koji jednostavno zahtijevaju, traže, život ih tjera da naprave. Ovo drugo pitanje koje ste postavili, slažem se i možda me niste dobro pratili, upravo u tome i jeste kompromis važeći Statuti MZ da se koriste u provođenju ovih koji nisu u suprotnosti sa Odlukom, a oni koliko ja znam nisu u suprotnosti u 99%, osim koliko ja znam nisam analizirao ni posebno se pripremao samo su u tome prvi, drugi i treći zbor. Samo u tome, a to nije u krajnjem slučaju ni važno, to je opet nadležnost Vijeća u slučaju prvog ili drugog saziva da dolazi. Dakle, ide po starim Statutima MZ postupak izbora. Pomagalo, pomoćno sredstvo je Odluka o osnivanju mjesnih zajednica.

Vijećnik Safet Jašić, ma da je ova tačka dnevnog reda bila malo drugačije napisana, možda bi se bolje pripremili, ali bitno je uspostaviti zaista pravila igre. Svi mi volimo svoje MZ bolje nego ko drugi i prema tome, meni je interesantno ovo što je dopredsjedavajući govorio da se neke MZ koje je nabrojao on, upravo one nisu uradile i provele javne rasprave u svojim mjesnim zajednicama, žele da se izvrše izbori. Prema tome, ja odavde, volio bih da je još bolji rad u svakoj mjesnoj zajednici, posebno u mojoj, tako da nema ovdje niko ništa ni izvrnut, niko ništa ne izbjegava i ono što ja zamjerim mjesnim zajednicama nekim jest ta neaktivnost. Neaktivnosti i kad su u pitanju provođenje izbora uopće, svi izbori u mjesnim zajednicama dugo godina, možda i Eldina kad je prvi put radila se sjeća da su se provodili u februaru mjesecu, znači februar, januar je bio kad se završe završni računi, izvještaj o radu, program rada itd. onda idu izbori u mjesnim zajednicama i to je. Sad što su neki ljudi to ležerno doživljavali i sjedili, pa ima vremena ja ću to do kraja godine, ja iz tog razloga imam potrebu da vam pročitam, ja sam uputio čak u Službu kako smo mi to uradili u mjesnoj zajednici neću da kažem ja.

Od 12.02.2018.godine dostavili smo vam dokumentaciju o provedenim izborima za Vijeće MZ Kopice za mandatni period 2018-2022. Godine, a koja sadrži izvod iz zapisnika sa Zbora građana, ovo je upućeno u Službu tako da znate da smo ažurni, nije to sa Zbora građana MZ Kopice 11.02.2018.godine sedam dana prije je plakatirano bilo prije kakvih obavijesti. Ja nisam znao da će Načelnik poslati uopšte bilo kakvu obavijest da se ništa ne radi po tom pitanju. Plakatirano dobro se sjećam i na vrijeme izvršeni izbori. Odluku o izboru Vijeća MZ i zapisnika sa konstituirajuće sjednice Vijeća MZ Kopice od 11.02.2018.godine. Odluku o imenovanju predsjednika i zamjenika predsjednika Vijeća MZ, Odluku o imenovanju potpisnika finansijskih sredstava u MZ. Obzirom da postoje osporavanja, to je bila priča po čaršiji nikad ništa nisam zvanično dobio ni od Službe ni od Načelnika, legalnosti izbora Vijeća MZ Kopice, iz određenih krugova ovim aktom želimo istaći slijedeće:

Kako bi se zadržao kontinuitet u radu Vijeća MZ, obzirom da je mandat isticao sa danom 16.02.2018.godine, zakazan je i održan Zbor građana MZ Kopice dana 11.02.2018.godine, bez obzira na dopise Načelnika kojim se pokušalo spriječiti održavanje istog. Znači nisam možda ovo dobro rekao, ali je zaista bilo prije plakatirano, a Zbor je u tim sedam dana do Zbora, Načelnik je poslao obavijest da se ne održavaju zborovi. Međutim, ja sam plakatirao to i možda nikad ni ja više neću saznati takav Zbor bilo je 111 prisutnih ljudi. Nikad ga ni ja više neću moći sazvati, ali stvarno je bio Zbor za pohvaliti. Zbor građana MZ Kopice održan je 11.02. je imao potrebni kvorum za punovažno odlučivanje. Vijeće MZ Kopice izabrano je na zboru građana 11.02.2018.godine i ima legalitet i legitimitet za zastupanje interesa građana MZ Kopice u mandatu koji traje od 11.02.2018.godine do 11.02.2022. godine. Znači nisu nelegalne mjesne zajednice, nisu ni one gdje nisu provedeni izbori jer smo im mi ovdje dali ovlast da rade do provođenja izbora. Znači ti povjerenici su legalni predstavnici svojih MZ, a govorim ovo ko je htio raditi.

Predsjednik Vijeća MZ Kopice, izabrani su na konstituirajućoj sjednici Vijeća MZ istog datuma i isti su legalni, legitimni predstavnici MZ u punom kapacitetu do isteka mandata 11.02.2022.godine.

Molimo da nadležna općinska služba za BiH, opću upravu i društvene djelatnosti utvrdi da li su organi MZ Kopice legalno izabrani ili ne, provjerom na terenu, te da nas pismeno obavijestite o utvrđenom stanju. Molimo da se provjere i izvrše u što kraćem roku.

Ovo nije ni izmišljeno, ni napisano ako treba kopirati ovo sam na vrijeme poslao u Službu i ja smatram, nemojte da sad bude da ja branim samo svoju MZ, ovo je jedna istina i izbori su provedeni ovako kako sam ja naveo i ovo je sve tačno. Da sam dobio bilo kakav dokumenat ili odgovor na ovo, sve bi to bilo drugačije. Ne znam da li ima još neka mjesna zajednica, ali uglavnom smo ovo uradili, ovako kako smo uradili i mi smo sasvim legalni. Pravila igre treba ispostaviti i za one MZ koje rade i koje ne rade. Daj bože da popravimo negdje. Ja neću tvrditi, ali mislim tih osam MZ koje su dostavile one i rade od prilike možda najbolje. Ispast će da sam i ja među njima, ali dobro rade, solidno rade i vjerujte lagan posao nije ni to raditi, ali to je tako što se tiče Kluba mi možda ćemo imati neki stav, a možda i nećemo, ali uglavnom ako se dođe na dnevni red informacija o nečemu onda je to trebala biti informacija sa materijalima, sa šta je to urađeno po onome što su neka je osam mjesnih zajednica a one ćemo kritikovati koje nisu dostavile, koje nisu održale javne rasprave i dostavile svoje prijedloge. Njima je izgleda svejedno, bio stari Statut ili ovaj ili se šta promijenilo, ili ne promijenilo.

Vijećnik Mustafa Bešić, i ja vodim jednu mjesnu zajednicu. Digla se previše prašine oko upravljanja mjesnim zajednicama. Pa ne upravljamo mi budžetom, nemamo mi para, mi volonterski radimo. Ja bih volio da se pojave ljudi, 72,00 KM dobije Domislica i to u tri mjeseca, pa onda ti naštimaji. Hajmo se baviti time kako ćemo im pomoći da privučemo ljude da budu tu. Najlakše je meni za govornicom sjest i kazat hajmo ovo. Dajte ljudi da napravimo modus da privučemo ljude koji će raditi. Ja sam sigurno jedna od najažurnijih mjesnih zajednica imamo na zadnjem putu 15 ljudi, imamo svi podršku telefonskim putem, a neće niko da dođe. Kad radiš dobro oni tebe podržavaju, ja hodži na džumi kažem de molim te hodža daj da ljudi dođu, neće ljudi da dođu. Hoće kad je dobra situacija onda te podržavaju, kad nema svi odoše negdje tamo. Ja se divim ko god dođe. Rekao sam u Domisllici dok je moj mandat biću, kad ne budem u mandatu ne bi bio predsjednik MZ kad bi mi dao ne znam šta.

Trebamo naći modus kako da stimulišemo ljude da ih nagradimo ko i mi u Vijeću što sjedimo da imaju neku naknadu. Ljudi džaba rade. Ovi u vijeću koji sjede, ja bih volio da svi vijećnici koji ovdje sjede da sjede u Vijeću svoje MZ pa da vidiš kako je to radit. Moraš biti sve slušat gdje šta izađe ne budeš li aktivan, onda te ovi uvijek druga strana ima, tako mi svi imamo u MZ, koja te prati jesli ti aplicirao. Ako ti dobiješ 50,00 KM. Ja ima, moram

vam ispričat, čistima, napravim put moram održavati, moram fiskalni račun, kako ću ja opravdat dadnem Bešić Edibu 10,00 KM iz tog budžeta, nego naspram 20,00 KM goriva. Na kraju godine kažu potrošio si za gorivo, ma nisam ja za gorivo, nego ne mogu opravdat 20,00 KM. Trošim na rupe, čistim kanal kosim kako ću opravdati sredstva. Tražim fiskalni račun za košenje trave obale, kako na koji način. Platilo Bešić Edibu 20,00 KM. E tim se trebamo isto baviti kako nagraditi ljude i pomoći im. Ozbiljno vam ja kažem. Bio sam ja sve, moramo svi imati fiskalne račune. Ovo ako nije hića da ne bude preko koljena, ako je 15.02. Vijeće ponovo dajte da napravimo to kako treba. Ja sam za sve opcije, ali nije to lako kako vi mislite da je to u MZ. Mjesna zajednica to je smiješno pričati, to ti je jedna ovi te vam, ovi te lupačom udaraju s druge strane.

Vijećnica Dženita Smajlović, pošto je već spomenuta MZ Čobe, ja moram da reagujem i da kažem da je tačno da mi imamo jednu aktuelnu situaciju gdje je potpredsjednik MZ želi sam sebi da izglasa nepovjerenje i da upravo on bude povjerenik, što je jako nelogično, a želim da obavijestim javnost da je danas na protokolu u Općinu zaprimljen prigovor na tu peticiju ili šta je to već bilo, koji je potpisan od strane mnogo više mještana MZ Čobe, koji nisu za to da se uvodi povjereništvo, da se u izbore ide redovnom izbornom procedurom i u skladu sa važećim statutima.

Dopredsjedavajući, gospodine Jašiću, ako je to dodatna intervencija već ste dva puta...

Vijećnik Safet Jašić, svaki posao koji čovjek hoće da radi mora ga dobro pripremiti, to je pola posla. Ja smatram lično nemojte misliti da se neko nečega plaši, jer teret je to veliki, apliciranje prema raznim ministarstvima, evo ovih dana ima, ja sedam dana hodam i još nisam završio ono. Nadam se da ću naredne sedmice to uraditi, hoću da kažem de da pripremimo da zajednički ovo riješimo, da ne budemo baš imamo mi preći stvari milion o kojima trebamo pričati osim ovog. Da pripremimo nešto kvalitetno da dođe na jednu od narednih sjednica da kažemo jesmo svi za to i idemo u izbore. De da to bude da ne mijenjamo stalno, da ne bude šareno. Evo oni što nisu dostavili prijedloge njih ćemo na ovaj način, ove ćemo po starom itd. Znači nešto kvalitetno da pripremimo ako treba pomoć nam neko iz Službe, šta to prolazi po mjesnim zajednicama i na kraju krajeva da to bude jednobrazno. Pravila igre su mnogo bitna, a stvorit ćemo nezadovoljstva, sve ovo ide, izborna je godina a nama je izbora previše. Imali smo i nedavno neke izbore i sve partije su to imale i ništa drugo nije. Ja kad bih sad rekao jedan prijedlog a neću ga reći, ispast će baš da navlačim vodu na svoj mlin. Možda bi bio najbolji. Prošlo je mnogo vremena četvrta je godina mandata i možda od polovine prve godine smo se mi počeli baviti sa ovim stvarima. Došli smo mi do granice, imali smo nekih zakona, znate da sam ja odnosno naš Klub se žalio Federalnom ministarstvu. Možda bi bilo najbolje i povjerenici imaju i nije im niko uskratio do današnjeg dana oni su legalno izabrani predstavnici da se to završi poslije ovih narednih općinskih izbora. Ja tvrdim nećemo praviti pometnju među građanima, među glasačima, među bilo kim, i da je to najbolje da se to privede kraju na taj način, a u međuvremenu da dođemo do ovog kvalitetnog rješenja kada je Statut u pitanju, da ga završimo na dugoročan period. To je ono što meni nikakva nije, kako će se to završiti u kojoj mjesnoj zajednici nije bitno, uglavnom stanje ovo kakvo jest takvo je i ovo je jedan od mojih prijedloga koji mi se stalno vrti u glavi. Nek se to završi. Ako neka MZ ima potrebu za rekonstrukcijom ja imam, evo dva čovjeka mi trebaju da idu. Jedan je otišao za Hrvatsku dobio je papire treba da ide za Njemačku i ja ću ko god hoće i kaže da hoće raditi nije nikakav problem da se to rekonstruira. Dva čovjeka još su tu, ali falit će brzo. Tako je i u ostalim MZ i da se poboljša taj rad koliko se može i da na tom završimo.

Pauza za Klub SDP-a.

Dopredsjedavajući, nastavljamo s radom, ostao sam dužan dati riječ Načelniku.

Načelnik općine, prije svega u potpunosti podržavam ovaj prijedlog iako ja ne glasam, podržavam prijedlog koji je iznio dopredsjedavajući OV gospodin Ferić i ja neću dalje o tome pričati.

Hoću da kažem stanje u mjesnim zajednicama. Svi vi koji diskutujete govorite iz perspektive svoje MZ. Ja ću vam reći iz perspektive Načelnika koji saraduje sa nekim MZ, sa nekim ne saraduje. Nema MZ s kojom nisam htio saradivati. Imate MZ koje ne rade, odnosno imate MZ koje rade, imate MZ koje opstruiraju. Ako ćemo biti potpuno korektni ovdje i iskreni, može reći i predsjednik MZ Moševac gospodin Delić koji je ujedno i vijećnik kakva je saradnja MZ Moševac i Načelnika općine. Da li smo zajedno radili, da li smo zajedno nešto realizovali. Imate MZ koje opstruiraju. Gospodine Jašiću jestel ikad odgovorili po dopisu Općine Maglaj da zajedno sa sredstvima koja ste dobili za Dom udružite sa Općinom Maglaj i uvećamo to za 25.000,00 KM i raspišemo tender u 2019.godini? Niste. Niste mi odgovorili. Vi ste prosuli 25.000,00 KM iz 2019.godine za Dom u Kopicama i takvih MZ imate još koliko hoćete. Pa se Jašiću pohvalite Zborom građana na kojem ste izvršili iz bore. Prvo plakatiranje nije akt veći od akta Vijeća i ne piše Načelnik, nego Vijeće je donijelo odluke i vi to dobro znate da je Vijeće donijelo odluke da Načelnik realizuje, niko se nije bunio kad je Vijeće donijelo odluku da se aktuelnim rukovodstvima produži mandat do novih izbora. Svi su šutili i sve dobro. Došlo vrijeme da se moraju izvršiti izbori. Mislim da još jedino gospodinu Deliću mandat valjan u MZ i da je svima ostalim istekao još prije par mjeseci, godinu, dvije itd. Dakle, treba tu priču završiti prije nego što budu izborni procesi. To u skladu sa prijedlogom kako je rekao dopredsjedavajući. Nemojte se Jašiću falit zborom građana, znate da je bila dženaza, znate da su vam na zboru bili ljudi iz Domislice iz Kopica, iz Čoba iz Šehera, sve vi to znate. Znate da ste imali obavijest prije Zbora da se to ne radi, ali niste ispoštovali. Dakle i vaš kao i drugi mandati koji su istekli je

nevažeći i ovdje je sad stvar Vijeća da donese odluku. Ako donesete danas odluku da idu izbori 31.03. u mjesnim zajednicama, to podrazumijeva sve i jednu mjesnu zajednicu na području općine Maglaj.

Dopredsjedavajući, molim vas samo kratko.

Vijećnik Safet Jašić, ja naravno da imam i razloga da se falim kakvo je stanje u MZ Kopice. Ovo su neistine ovo što je izneseno malo prije. Sve do jedne je neistina. Kad su u pitanju sredstva od 30.000,00 KM, gospodine Načelnice, ja bih vas zamolio da odete u Službu i da vidite da li je se išta moglo po pitanju društvenog doma uraditi do dan danas. Ja sam niz aktivnosti provodio i danas ih provodim da bi se dom u Kopicama počeo raditi koji ja želim više, jer ja živim gore nego bilo ko drugi, i moja porodica živi gore. To je jedna stvar, znači nismo dobili građevinsku dozvolu koju sam ja dao prije evo u Službi su svjedoci otidite pogledajte kad sam dao. Pa smo naišli na problem grunta, sjećate se da sam vam se obratio i dali ste pare da se to gruntovno završi. Pa pocijepali parceli pa tek sad dali u promjenu zemljišta iz poljoprivrednog u građevinsko. Tako da niko nije ovdje ništa osporavao i nema onog ko bi osporavao i 1 KM koja dolazi u Kopice, to nije ništa tačno. Pismo je došlo, ali me čudi nije se moglo graditi. 30.000,00 KM stoji na računu koje ću ja udružiti normalno sa bilo kim da bi dobio još marku više, a posebno stoje na račun, znači građevinska sezona bila pri kraju kad su sredstva legla nije se moglo raditi ništa. Ta sredstva sam aplicirao prema Fed.Ministarstvu i aplicirao i iskoristio mogućnost da dobijem 100.000,00 KM, da bi 30.000,00 KM bilo ko 30% učešća MZ. Tako da znate informaciju ako budete mogli kao Načelnik općine djelovati i raditi koliko god budete mogli mi ćemo to objeručke prihvatiti. Ja se nadam da sam pripremio dobru dokumentaciju, dobar projekat i nadam se tim sredstvima od Fed.ministarstva, tako da i sredstva koja god budu iz Općine. Mogli ste jedino položiti na račun MZ, mi nismo smjeli raditi ništa radi inspekcije. Ništa se nije moglo raditi ni dan danas. I pogledajte ako ne budem korektan kad je Služba u pitanju, ja ih požurivao i svi su radili za mene da se to i u gruntu što prije završi itd. Ovo je tačna informacija budite sigurni. Što se tiče saradnje neću o tome govoriti vi znate kako je to rađeno i ne bi volio ako bude trebalo govorit, govorit ću ja na tome, koliko je poštovana MZ. Ja poštujem svakoga i želim da i mene ljudi poštuju i ja sam zvanično izabrani i važeći predsjednik MZ i doprinio sam mnogo gore u proteklim mandatima dok su bili i drugi načelnici. Nisam sebi uzimao ništa. Znači sve sam odnio gore što je, stoji što se tiče infrastrukture, odrađeno je sve u mojem mandatu, a što se tiče izbora MZ, ona je legalno izabrana i možete donijeti ovdje što god hoćete vi imate većinu donesite je kako hoćete, ali j sam na stanovištu da je ovo najbolje, onaj prijedlog možda ga nisam trebao ni da kažem, ali ne samo mene što se tiče vi možete poništiti naše, zašto mi se nije odgovorilo iz Službe da smo nelegalno izabrani dvije godine i ja bih to doživljavao tako, bio bih povjerenik i mogli ste me imenovati za povjerenika, ili nekoga bilo koga drugog da je to nevažeći. Naš mandat traje tek dvije godine i smatram da, nek se dogodi šta hoće, nek odluka bude kakva god hoće ali ja tvrdim da su legalno izabrani organi. Ne moramo mi biti više niko od nas, ali bitno je ko će donijeti u tu MZ sredstva, ko će poboljšati život u toj MZ to je najvažnije, a nije važno ko je predsjednik MZ. Ja sam donosio, do sad dam donosio, ali bože ako bude neko drugi, ali želim da se pripremi kvalitetan dokumenat za ovo, pa nek bude jednobrazno. Ja ne želim sebe da opravdam i da branim samo svoju mjesnu zajednicu. Nek bude kvalitetno pripremljeno pravilo igre i neka se ide u izbore, ali u jednom određenom roku.

Dopredsjedavajući, replika, pa da polako privodimo kraju.

Načelnik općine, replika – prvo ispravka krivih navoda. Gospodine Jašiću, kao predsjednik MZ vas Načelnik nije izbjegavao, nego ste vi izbjegavali Načelnika. Ja sam vas zaticao kod gospodina Hajrulahovića u kancelariji, kad pokušavate nešto riješiti. Ja sam vas molio ali budite iskreni ako imate obraza imalo, budite iskreni ja sam vas molio i rekao. Jašiću pusti bolan politiku i stranku, hajde da vidimo šta možemo uraditi da uradimo zajedno. U dva navrat jednom na stepenicama ispred mog ureda, jednom kod gospodina Hajrulahovića. Niste vi imali problema sa Općinom ni oko građevinske ni oko čega, Općina vas je pomogla i kod geodetskog ispitivanja itd. Dakle, sve što Općina može uraditi za MZ Kopice uradit će. Da ste htjeli građevinsku, prvo jestel došli ikad kod Načelnika i rekli ne ide mi sa građevinskom? Niste, redovna procedura, pustite redovnu proceduru, dakle, razvlačili ste proces do sad ste to mogli završiti prije pola godine. Zna se kad je plaćena i geodetska i kako ide pretvorba zemljišta itd. Dakle, to niste završili. Druga stvar imali ste projektnu dokumentaciju. Prema tome, niste odgovorili na ponudu Općine da udružimo sredstva da se raspiše tender. Imali građevinsku ili nemali, da smo raspisali tender i potpisali ugovor 2019.godine mi smo mogli teretiti 2019.godinu s tim sredstvima. Bez obzira da li smo ih potrošili, a sad bi u 2020.godini ponovo planirali dio sredstva i planirat ćemo u planu kapitalnih investicija ćete dobiti planirana sredstva za Dom u Kopicama, ali ste izgubili nepovratno 25.000,00 KM vašim političarenjem. To je taj problem. Druga stvar da li vam je neko odgovorio da li ste legalni ili niste. Dobili ste prije održavanja zbora papir i s tim je završena priča sva. Dakle, Vijeće je nešto što je najstarije kad je u pitanju donošenje odluka. Vijeće je donijelo i to je završena priča, dakle, nelegalni, odnosno potpuno legalni kao i oni svi što im je produžen mandat, kojima je istekao ali je rečeno da obavljaju te dužnosti do izbora novog rukovodstva. To vam je istina i nemojte iznositi neistine, dakle, pokušavali ste malo strankom, malo mimo Načelnika pa vam nešto išlo, nešto nije išlo. Ni jednom niste došli da to pokušate riješiti i daj da razvučemo taj novac, nećemo raditi pred izbore. Šta vam je ljudi vi ne radite tako za svoju MZ, a to što kažete, što je urađeno, urađeno je dok sam ja, pa naravno kad je neko sto godina sve što je urađeno, onda je urađeno u njegovom periodu.

Dopredsjedavajući, molim vas samo zaista kratko i da ovo završimo i da svodimo ovu tačku dnevnog reda.

Vijećnik Safet Jašić, ja mislim da bi se trebao svako za svoju MZ boriti, trebate se i vi za MZ Maglaj – grad, a koja ne može biti u boljem položaju nego ostale MZ, budite sigurni, nju ne pominjemo ovdje. Kršimo svako pravilo i svaki Statut. 2017. godine Načelnice, nisam ponio da sam znao da će biti ovo ponio bih vam akt koji sam vam uputio da mi platite izradu projektne dokumentacije nikad niste ništa odgovorili. Kad sam ja sredstva obezbijedio e onda vi meni tražite projektnu dokumentaciju koju sam ja dostavio Služba će to potvrditi Meliha i Jasminka će potvrditi gdje je naknadno trebao da se elaborat radi o zemljištu. Znači i to je trajalo i nikad nisam izbjegavao. To su istine, što niste kad se toliko brinete, što niste 2017. godine dali sredstva. Sredstva koja sam ja povukao iz Kantona ste neću reći da ste vi, ali neko je iz Općine htio da to prisvoji da to bude da ste vi to uradili, jer su išli dopisi, kad su vidjeli moj broj i svega onoga što sam ja poslao, onda su išli dopisi da to ide i Općina da aplicira za tih 30.000,00 KM. Ta sredstva su sredstva MZ i ona su na računu MZ i niko drugi nije u ovome učestvovao nego MZ Kopice. I ovo ako s božijom pomoći bude i ovo će biti na računu MZ, ili će možda raspisati neko drugi tender. Nije to tako, a ja bih naj sretniji bio, ja sam išao neki dan potpisali ste mi da je građevinska dozvola u toku, da je izrada u toku da nisam mogao za projekat ovaj što pripremam. Znači ja sam imao volju i želju da to bude, ali ona nije nemoguće je bilo, ona nije mogla prije bit gotova i još uvijek neće možda biti za dva mjeseca, tako da nisu to te priče, ova je priča tačna, jer ja imam kompletnu dokumentaciju od prvog do zadnjeg dana što se tiče MZ. Ja uvijek ću se boriti, jer ja gore živim, niko neće se više boriti za nju, nego neko iz Kopice.

Dopredsjedavajući, evo i gotovo, ja završavam i neću dozvoliti nikom, poslije toga više nikom ne dozvoljavam.

Načelnik općine, ispravka krivog navoda – neću da šutim na ove neistine. Dakle, zna se kako Općina može raspolagati novce, do kojeg iznosa može dati kojoj MZ, do kojeg iznosa može raspisati direktan sporazum itd. Gospodin Delić je dobio skoro novac koji je sitan za utopljanje Doma u Moševcu. Projekat koji je bio za Kopice je većeg iznosa, dakle, Jašiću lupate dvije stvari nepovezive. Prvo projekte koje radimo apliciraju MZ i ulaze prije su bili u planovima i programima, a sad su u programu kapitalnih investicija, pa imat ćete ih i ove godine. Dakle, nije vam Općina mogla dati i neće vam dati ni bilo kojem drugom predsjedniku MZ 10.000,00 KM, pa evo vam vi fućkajte kako hoćete, nego preko javnog poziva onako kako treba. Ali ste sad pobrkali ovdje dvije stvari. Dakle, Načelnik općine Maglaj je aplicirao nekoliko projekata u Kantonalno ministarstvo, to vam može kolega koji do vas sjedi, jer sam to tražio i od njega podatke za javnu rasvjetu, dakle Moševac javna rasvjeta, Čobe javna rasvjeta, Kopice Dom i Krsno Polje javna rasvjeta. To je tražio Načelnik općine Maglaj, možete provjeriti aplikacije. Bio kod ministrice sjedio molio da da što više novca za općinu Maglaj i dala je za MZ Kopice i hvala odlično. Za koju god MZ da, bilo koje ministarstvo, bilo koja agencija, bilo koji fond umanjuje nam zahtjeve iz Budžeta i zajednički treba da se borimo za svaku novu marku na bilo kojem području općine Maglaj. To što ministarstvo jedno jedino može dati tako sredstva mjesnim zajednicama, a niste prvi koji su to dobijali, dobijale su i druge mjesne zajednice sredstva, to oni mogu. Općina ne može. Dakle, Općina Maglaj vam ne može prebaciti na račun mjesne zajednice Kopice 25.000,00 KM, pa evo vi arčite kako hoćete. Ne možete, možete samo udružiti sredstva, može se ići putem tendera i nikako drugačije. Dakle, nemojte iznositi neistine, previše ih je.

Dopredsjedavajući, ne može, ja zatvaram raspravu.

Vijećnik Safet Jašić, ja nisam nikoga ovdje uvrijedio nikad, nikad nisam prikačao ljudima bilo što, što nije tačno i ne želim da i meni neko prikača. Ovo prije svega Dom u Kopicama nije tema ove informacije koja je trebala danas da bude na dnevnom redu, nego bitno je ispričati neku priču, pa će to neko prenijeti tamo i protiv bilo koga. Iz tih razloga Klub vijećnika SDA nećemo slušati više, napuštamo sjednicu ovog trenutka.

Dopredsjedavajući, ja završavam bilo kakvu priču, raspravu i ja predlažem obzirom da smo diskusiju Ima gospodin Delić, nisam vidio da se javljate izvolite.

Klub vijećnika SDA i samostalni vijećnik Mustafa Buljubašić napuštaju sjednicu Vijeća.

U ovom trenutku moram da konstatujem da mi nemamo kvoruma za nastavak rada. Ja moram da prekinem sjednicu. Tako da ćemo se naknadno dogovoriti na Kolegiju kad ćemo nastaviti ovu sjednicu.

Nastavit ćemo gdje smo stali, a ova tačka će se prenijeti već na narednu sjednicu OV i ovo sve što imamo.

Dopredsjedavajući, zaključujem današnju sjednicu u 14,25 minuta.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobiti će sve političke stranke koje participiraju u Općinskom vijeću Maglaj.



DOPREDSJEDAVALUĆI
Hajrudin Ferić

**NASTAVAK 35. SJEDNICE OPĆINSKOG VIJEĆA MAGLAJ
ODRŽANE DANA 20.02.2020.GODINE ZAPISNIKA**

Dopredsjedavajući, na osnovu člana 59. i 78. Poslovnika o radu OV Maglaj, zaključaka Kolegija od 11.02.2020.godine i Programa rada OV, otvaram nastavak 35. redovne sjednice OV. Dana 31.01.2020.godine na kraju rasprave, dakle, kad je zaključena na 35. redovnoj sjednici po zadnjoj tački dnevnog reda prije iznošenja zaključaka vijećnici Kluba SDA napustili su sjednicu, te u tom trenutku zbog ne postojanja kvoruma za nastavak sjednice, sjednica je prekinuta u 14,25 minuta.

Na Kolegiju za 36. redovnu sjednicu dogovoren je i nastavak 35. sjednice, nakon čega će se nastaviti i 36. redovna sjednica.

Na današnju sjednicu pozvani su vijećnici iz parlamentarnih političkih partija: SDA, SDP, SBB, DF, HDZ BiH, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv za sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i materijali dostavljeni zastupniku Doma naroda Jasminku Kapiću i zastupnici u Skupštini ZDK Emiri Drnda-Čičeklić.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 35. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutna vijećnica Jašić Edina.

Dopredsjedavajući, Općinsko vijeće može punovažno raditi, odlučivati, donositi odluke, zaključke i rješenja. Ovim je ispoštovan i član 88. Poslovnika o radu OV Maglaj.

Prelazimo na izjašnjavanje o zaključcima.

Pauza za Klub SDA

Na sjednicu je pristupila Jašić Edina u 9,10 sati, tako da Vijeće radi sa 25 vijećnika.

Dopredsjedavajući, obavještavam sve prisutne da nam se priključio i gospodin Daut iz terenskog ureda Travnik i želimo mu dobrodošlicu.

Vijećnik Delić Edib, stav Kluba SDA po pitanju ove tačke dnevnog reda. Dopredsjedavajući je malo prije iznio da je rasprava po ovoj tački na prošloj sjednici zaključena i mi se ne slažemo sa tom konstatacijom a potvrđujemo i zapisnik sa prošle sjednice gdje kaže Dopredsjedavajući: ja završavam bilo kakvu priču, raspravu i ja predlažem obzirom da smo diskutuju moram da konstatujem da mi nemamo kvoruma za rad. Ja moram da prekinem sjednicu. A vrlo dobro se sjećamo da je gospodin Delić krenuo ka govornici da iznese svoje mišljenje, znači ne stoji činjenica da je rasprava po ovoj tački dnevnog reda zaključena. Shodno članu 69. stav 2. Poslovnika o radu kaže se prijave za riječ mogu podnijeti do kraja pretresa tačke koja je na dnevnom redu. Znači imamo pravo da diskutujemo po ovoj tački dnevnog reda, jer rasprava po ovoj tački nije zaključena.

Klub SDA koji glasi: U odgovoru na zahtjev broj 09-49-12-09/18 od 04.04.2018.godine gdje je Federalno ministarstvo pravde dostavilo Općini Maglaj i Općinskom vijeću Maglaj i na ruke Safeta Jašića, predsjednika Kluba vijećnika SDA, pretposljednji i posljednji pasus stoji. Na osnovu svega iznesenog može se zaključiti da je postupak izbora organizacije i rad organa mjesnih zajednica utvrđuje se Statutom MZ, a ne Odlukom Općinskog vijeća koji mora biti u saglasnosti sa Statutom Općine. Zbog svega navedenog predlažemo Općinskom vijeću Općine Maglaj da izbore za organe mjesnih zajednica provede na način koji je propisan Statutom Općine i Statutom mjesnih zajednica.

Dakle, jasno i nedvosmisleno je rečeno da ne mogu miješati se odredbe Statuta Općine Maglaj i Statuta mjesnih zajednica sa odredbama po nama upitne Odluke o osnivanju, potvrđivanju mjesnih zajednica na području općine Maglaj. Sa 26.redovne sjednice Općinskog vijeća od 28.03.2019.godine posebno je zanimljivo to što iz vladajućeg bloka niste ispoštovali i još uvijek želite na sve to kršiti odredbe vaše Odluke. Obzirom da je procedura javne rasprave po Nacrtu Statuta mjesnih zajednica provedena logično bi bilo da se nastave aktivnosti na pripremi prijedloga Statuta mjesnih zajednica koji bi bili ponuđeni na usvajanje Zborovima građana po mjesnim zajednicama, a nakon toga konačan tekst mjesnih zajednica dostaviti Općinskom vijeću na potvrđivanje. Tek nakon toga pristupiti izborima organa u mjesnim zajednicama u skladu sa odredbama tih i takvih statuta. Ukoliko se ne žele nastaviti aktivnosti na uređenju legislative po pitanju mjesnih zajednica i provesti izbor po nekom starom Statutu mjesnih zajednica, logika isto tako nalaže i da se mora poništiti uređeno u periodu od 2016-2020.godine, kako bi se mogli vratiti na ranije legislative.

Stav Kluba vijećnika od početka ovog mandata jeste da se sva pitanja vezano za funkcionisanje mjesnih zajednica moraju staviti u okvire odredbi Zakona o principima lokalne samouprave i u Federaciji BiH i u okvire odredbi Statuta Općine Maglaj, sve drugačije od toga za nas predstavlja nezakonito postupanje. Kada smo u ovom pokušaju usvajanja Odluke o postupku, rokovima i uslovima/uvjetima provođenja izbora, kao i utvrđivanje rezultata izbora za članove vijeća mjesnih zajednica na području općine Maglaj, neće proći ni sada. Znamo kako i kome se obratiti u provođenju nadzora. Jako je bitno istaći da je odredbom člana 20. Zakona o principima lokalne samouprave u FBiH „Službene novine FBiH“, broj: 49/06 i 51/09, propisano da Vijeće, odnosno Načelnik da može u roku od 3 dana nakon donošenja zatražiti da Vijeće preispita odluku ili akt koji smatra neustavnim ili nezakonitim, a u ovom prošlom slučaju to nije učinjeno.

Prijedlog Kluba vijećnika SDA je Informacija se prima k znanju. Nikakvi prijedlozi zaključaka i tome slično ne dolaze u obzir, po nama je ova točka završena na sjednici od 31.01.2020.godine.

Dopredsjedavajući, obzirom da sam zaključio raspravu predlažem usaglašene zaključke, usaglašene od koalicione većine prije nekih 20-tak dana i ja ću ih iščitati da se izjasnimo.

- **Prima se k znanju Informacija o provedenim aktivnostima po pitanju Nacrta Statuta mjesnih zajednica.**

Z A K L J U Č A K

11.1. Da Općinsko vijeće shodno članu 18. Odluke o osnivanju, potvrđivanju mjesnih zajednica na području općine Maglaj, raspiše izbore za Vijeće MZ u svih 20 mjesnih zajednica, a koji trebaju da se okončaju u roku od 60 dana od dana donošenja ovog zaključka.

11.2. Zadužuje se Služba za BiZ, opću upravu i društvene djelatnosti da obavlja postupke nadzora izbornih aktivnosti u MZ.

11.3. Izbori za Vijeća MZ se provode po postupku i na način kako je to regulisano Statutom Općine Maglaj, Odlukom o osnivanju-potvrđivanju MZ na području općine Maglaj i Statutima MZ po kojima su obavljani prethodni izbori.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 12 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

Konstatujem da su većinom glasova doneseni zaključci po 11. tački dnevnog reda.

BRIFING NAČELNIKA OPĆINE

Ja ću za današnji brifing, jer je velika mogućnost da ću napustiti sjednicu ranije zbog obaveza popodnevnih u Sarajevu, ali za ovaj Brifing ću iznijeti nekoliko interesantnih stvari.

- To je posjeta Češke razvojne agencije općini Maglaj. Dakle, projekt menadžera Češke razvojne agencije i konsultanta sa Univerziteta u Brnu gdje smo konačno na neki način malo raspetljali krug u kojem se vrtila priča oko problema centralnog grijanja na području općine Maglaj. Na tom sastanku je dogovoreno da će okvirno negdje do kraja februara da se potpiše memorandum između Općine Maglaj i Češke razvojne agencije o ulasku u ovaj projekat, gdje Česi preuzimaju na sebe obavezu da će do kraja aprila pripremiti tendersku dokumentaciju za raspisivanje, za izradu glavnog projekta. Tender će biti u Republici Češkoj, ne u BiH, njihove projektne kuće. Mi ćemo ovdje biti podrška u prikupljanju određenih podataka koje budu zahtijevali, nakon što završe Glavni projekat, završe analizu, dobiju rezultate opravdanosti ili neopravdanosti ulaska u ovaj projekat, možemo nastaviti sa daljnjim koracima. Ono što je suština svega jeste da ukoliko uđemo u izgradnju vjerovatno će biti fazna, jedan od preduslova da to bude pozitivno jeste da preko 90% potencijalnih korisnika budu korisnici i potpišu ugovor da nakon toga se može ući u realizaciju u izgradnju i naravno princip je da oni isporučuju inženjering, da isporučuju tehnologiju i tehničku opremu, a nama ostaje za obavezu dozvole i građevinski radovi. Nadam se da će ovo ići svojim tokom i u redovnim smo kontaktima.

Ranije sam pominjao i pozitivnu priču oko IT developera na području općine Maglaj. Besplatne akademije, besplatnog učenja programiranja i evo imamo prvu generaciju koja je to i završila. Imamo konačno kompaniju NSOFT u Maglaju koji su zakupili i prostore i već su od ovog broja polaznika škole programiranja odabrali one najuspješnije i oni postaju uposlenici te kompanije, a evo svakako idemo i sa paralelnim razgovorima i sa drugim IT kompanijama da pokušaju preostali dio onih koji su završili da angažuju u svojim kompanijama i naravno ovaj projekat obuke će ići dalje i povećavat će se taj broj uposlenih.

Također na prvom dijelu sjednice želio sam vas informisati, a na toj sjednici se i potezala priča oko inicijative Udruženja „15.maj“ s obzirom da nismo došli do vijećničkih pitanja i inicijativa, ta inicijativa zvanično vijeću nije ni podnesena, ali je podnesena Općini, Načelniku općine i na toj inicijativi već radimo. Ono što želim reći je

suština podnesene inicijative. Dakle, inicijativa za donošenje nove Odluke o utvrđivanju odvoza smeća za pravna i fizička lica. Šta želim time reći? Želim reći da je grupa, ne Udruženje, ne svi privrednici, nego grupa onih koji se politički angažuju, koji su očigledno krenuli u predizbornu kampanju nekoliko mjeseci iznosili neistine, da je Komunalno svjesno promijenilo cijene, podiglo cijene odvoza smeća itd. evo nije inicijativa za vraćanje cijena na prethodni nivo, nego inicijativa za donošenje nove Odluke. Prethodna odluka je donesena 2009.godine i ona je na snazi i primjenjuje se takva kakva jeste, a mi već radimo na prikupljanju ostalih podataka, kad dođe na red za Vijeće imat ćete inforemaciju o svim cijenama unutar, barem ZDK-a i naravno ukoliko Vijeće odluči može se ići u dalje korake.

Kada smo kod već ovakvih priča i javnih iznošenja stavova od opet kažem manje grupe koji se predstavljaju kao privrednici i koji se predstavljaju veliki broj privrednika, jedan od njih koji nam je prezentiran kao vrlo uspješan privrednik želim ovdje s vama podijeliti i naravno sa javnošću i upozoriti sve one koji rade slične radnje da s tim prestanu.

Prvo sjećatel se istupa izvjesne Elzine Kukavice koja je brutalnim lažima po fejsbuku ocrnjivala i općinu Maglaj i Općinskog načelnika, pa kroz to i sve vas vijećnike, želim vas informisati da je dotična pravosnažno presuđena za klevetu i da je platila odštetu od 685,00 EUR-a od tih 685,00 EUR-a pokriveni su troškovi advokata, a ostalo će prosljediti u humanitarne svrhe.

Također želim upozoriti sve one koji koriste nelegalne priključke na javnu rasvjetu da odmah to eliminišu, jer ćemo nastaviti s kontrolom, ponukani činjenicom da je vlasnik benzinske pumpe „Sjaj“ još od 2017.godine nelegalno priključio instalaciju na sistem javne rasvjete i time ošteti Budžet Općine za nekoliko hiljada KM. Iako je 2017.godine otpojen i upozoren, sa iste instalacije imamo dokaze i ko je izvršio priključenje i slijede krivične prijave ukoliko se ne izvrši namirenje pričinjene štete.

Želim vas informisati da ovakvo vrijeme kakvo je, pogoduje nastavku radova na infrastrukturi, tako smo jučer u Gornjoj Kosovi uveli izvođača radova na rekonstrukciju i asfaltiranje puta, nastavak dionice od klizišta koje je bilo 2019.godine prema kamenolomu, ali da bih potvrdio ispravnost i ovih zaključaka koje ste sada usvojili u vezi mjesnih zajednica najbolje potvrđuje njihovu ispravnost MZ Kosova. Ova MZ uslovno ima svoj Statut, uslovno zato što taj Statut nikada nije objavljen u Službenim novinama, a valjanost tog Statuta kako u njemu piše vrijedi 8 dana nakon objavljivanja u Službenim novinama. Nikada nije objavljen u Službenim novinama, prema tome nikada nije stupio na snagu. Iako nikada nije stupio na snagu, Zbor građana je održan skoro po pitanju podrške Nogometnom klubu „Vis Simm-Bau“ odnosno sponzoru i finansijeru gospodinu Mirzi Mujkanoviću. Donesene su određene odluke koje idu u pozitivnom smjeru ali te odluke po tom Statutu ne mogu biti realizovane s jedne strane, a s druge strane na zboru građana su doneseni zaključci da će MZ Kosova koja je vlasnik zemljišta prodati svoje zemljište, naravno po zakonu, a onda se nakon Zbora dostave akti Općini da Općinsko vijeće donese Odluku o načinu i uslovima javne prodaje nekretnine u vlasništvu MZ Kosova, neizgrađenog građevinskog zemljišta. Odluka o načinu uslova i postupku dodjele u zakup zemljišta u vlasništvu MZ Kosova. Dakle, ovdje se pokušava da se uvuče Općinsko vijeće u tu priču da prodaje tuđe zemljište. Zemljište je na MZ Kosova. Prema tome, ovu priču sa mjesnim zajednicama treba završiti u ovom roku, ozakoniti je Statutima mjesnih zajednica i raditi u korist građana mjesnih zajednica.

Također ovo dana se protezala i priča vezano za tehnički pregled trafo stanice visokonaponskog dalekovoda i niskonaponske mreže u Kopicama, da biste znali punu istinu. Prije svega, želim reći da sam izuzetno ponosan na tri projekta koja sam vodio i koji se završavaju još dok sam bio šef Poslovnice „Elektrodistribucije“ u Maglaju, a to su projekti u Gornjoj Mahali, u Čobama i u Kopicama i treći se završava tada je bio započeo i za Domislicu i ja se nadam da će biti i to završeno. Dakle, tehnički pregled trafo stanice nije održan iako je „Elektrodistribucija“ uputila zahtjev za održavanje tehničkog pregleda na sve adrese na koje upućuje osim na Općinu Maglaj i to su tragom naših iz Općine šta se desilo, došli do toga da su svoja dva primjerka od kojih je jedan trebao doći u Općinu poslali u Poslovnicu Maglaj. Tamo su ostali, ja dok sam bio šef Poslovnice Maglaj sam donosio lično na pisarnicu i predavali da se pokrene tehnički pregled, s obzirom da se otklonio taj nedostatak iće se sa tehničkim pregledom. Vjerujem i znam kako „Elektrodistribucija“ radi da će biti dobijena upotrebna dozvola bez problema i nadam se da neće biti problema kod puštanja kao što je to bio slučaj u Gornjoj Mahali.

Želim vas još informisati i kao i građane, s obzirom da u gradu se često postavlja pitanje oko aktivnosti na Groblju Borik. Mi smo završili, to sam ranije rekao završili smo proces oko obezbjeđivanja zemljišta, zemljište je obezbijeđeno. U međuvremenu je trebalo prikupiti niz papira od različitih ministarstava i agencija i to je urađeno. Raspisan je tender, izabran izvođač za završetak završnog projekta. Probio je sve rokove i mi smo nedavno morali raskinuti ugovor sa tim izvođačem, jer očigledno nije ništa uradio na izradi Glavnog projekta i vrlo brzo ćemo završiti sa drugim izvođačem Glavni projekat, a u samom ovom pregledu kapitalnih investicija vidjet ćete da imaju planirana sredstva i za Groblje u Boriku.

VIJEĆNIČKA PITANJA I INICIJATIVE

1.Vijećnik Firuz Galijašević

Ponovljena vijećnička inicijativa od 28.12.2017.godine.

Na osnovu člana 53. Statuta Općine Maglaj („Službene novine Općine Maglaj“, broj: 8/07, 3/08 i 6/08), pokrećem vijećničku inicijativu.

Godinama se javlja problem ovjere godišnjih izvještaja za sva pravna lica sa područja općine Maglaj, jer svi poslodavci i knjigovodstveni servisi moraju nositi izvještaje na ovjeru u Finansijsko-informatičku agenciju (FIA) p.j. Zenica, ispostava Zavidovići. Ta ovjera godišnjih izvještaja se obavlja u prva dva mjeseca tekuće godine (januar i februar).

Predlažem: Potrebno je obezbijediti kancelariju za stručno lice (koje je po mom saznanju ionako stanovnik naše općine i radi iste poslova u Zavidovićima) a koje može da vrši ovjeru godišnjih izvještaja i pomogne našim privrednicima i u vremenu i u novcu, pošto na našoj općini djeluje više od 925 pravnih subjekata, naravno tu su ubrojane sve Javne ustanove, preduzeća, udruženja i zadruga.

Molim Službu Općinskog vijeća da uputi dopis Finansijsko-informatičkoj agenciji (FIA) p.j. Zenica da pokrene proceduru vraćanja ispostave Finansijsko-informatičke agencije (FIA) u Maglaju u trajanju od 20 dana u mjesecu februaru svake godine.

2. Vijećnik Mustafa Bešić,

Načelnik se dotakao pitanja Podborika, ja sam u više navrata kroz svoje inicijative i u prošlom mandatu ukazivao na problem rješavanja pitanja Podborika. Nama je dužnost i obaveza svih nas. To je ogledalo gore, to je simbol otpora grada Maglaja, nije samo Podborik, svih naših šehida koji su dali život za našu domovinu BiH i našu općinu.

Ono što me čini sretnim, pošto radim taj posao izlazio sam nedavno na teren gdje sam vidio da su već učinjeni prvi koraci, gdje je bager zatekao put i nasut je tucanik, gdje se sad može ljepše pričati našim šehidima, borcima koji su dali živote za našu državu. Mislim da će se nastaviti s tim aktivnostima i Načelnik je razgovarao sam s njim da ide ograđivanje i da će se to urediti. Po tom pitanju dajem punu podršku i stvarno je bilo vrijeme da se to pitanje riješi. Znači, ogledalo nas je svih i dužnost prema tim šehidima.

2. Pitanje mosta u Liješnici, to je drugi ulaz na našu općinu Maglaj. Mi smo imali u prošlom mandatu gdje je ponovo urađeno, mislim da se treba napraviti neko rješenje. Koliko se sjećam da je 50.000 EUR-a uloženo, ali taj most ponovo te daske svaki dan putujem to je rasklapano, ja ne znam šta uraditi po pitanju toga. Treba se naći neko rješenje. Nije rješenje svako 2-3 godine uložiti 50-100.000,00 KM pa opet iz početka.

Nastavio bih i pitanje Bradića, imamo onaj dio gore koji nije povezan, pitanje asfalta, koliko fali 100-200 metara, pa su me zamolili mještani da ukažem na to. I svama sam razgovarao po tom pitanju, ali radi javnosti da prenesem, obećali ste čim dozvoli ova sezona, asfaltna baza da će se to sastaviti. Ljudi putuju svakodnevno, a to je jako bitan put gore, oštećen je makadam, nije to velika dužina puta i vjerujem da će se to sanirati.

3. Vijećnik Mirza Bradarić,

Imam jednu vijećničku inicijativu, a tiče se konkretno područja u ulici 1. Marta ispred četiri bijele zgrade na stanici.

Pokrećem vijećničku inicijativu da se u ulici 1. Marta konkretno ispred 4 bijele zgrade na autobuskoj stanici sanira pješačka staza koja je u jako lošem stanju. Naime, pješačka staza koja se nalazi ispred ove četiri zgrade je napravljena prije mnogo godina i danas je u veoma lošem stanju. Ista predstavlja ogroman problem kako pješacima naročito djeci i starijim osobama, također predstavlja jako veliki problem u kišnom periodu i tom je stazom jako teško, pogotovo nemoguće proći u tom periodu. Zbog svega ovoga, a na molbu svih naših sugrađana koji žive na tom području pokrećem ovu inicijativu, da se sanira ta staza i ja se iskreno nadam da će ova inicijativa ući u razmatranje i da će se pozitivno riješiti konkretno radi svih tih ljudi koji žive tamo. Ja u prilogu ove inicijative imam i dvije fotografije koje sam isprintao, čisto dokaz, fotografije su napravljene u kišnom periodu gdje se jasno vide i bare i lokve, tako da Načelnice, ja se nadam da će se pokušati naći nekakvo pozitivno rješenje za ovo.

4. Vijećnica Dženita Smajlović,

Inicijativa ispred Kluba SDA, a tiče se održavanja tematskih sjednica i to na temu:

1. Analiza stanja i mjere za spašavanje i razvoj privrede općine Maglaj.
2. Analiza zapošljavanja u administraciji Općine Maglaj, javnim ustanovama i javnim preduzećima.

5. Vijećnik Safet Jašić,

Ispred Kluba SDA, mi tražimo da nam se u što kraćem roku da verzija zaključka sa protekle sjednice, odnosno Informacije o provedenim aktivnostima po pitanju mjesnih zajednica. Znači, zaključak koji je donesen danas da nam se dostavi na Klub SDA.

6. Vijećnik Hajrudin Fermić,

Ja sam imao pisane inicijative i vijećnička pitanja prije 20 dana, čak sam ih negdje i objavio na medijskim mrežama, samo da ih ponovim i da mogu predati ovdje.

Iniciram kod Načelnika i nadležnih službi izradu projekta i izgradnju dječijeg igrališta na Omerdinom Polju, na lokalitetu bivšeg kolektivnog centra.

1. Da li se može nešto uraditi, realizovati projekat vanjskog uređenja objekta First u Maglaju. Molim nadležne da razmotre mogućnost zajedničkog djelovanja sa Kompanijom „Natron-Hayat“ u tom pravcu i obavijeste me o

konkretnim planovima podnosioca inicijative pismenim putem. Naime, vrlo dobro znamo kakva je socijalna struktura stanovnika Firsta i u kakvom je stanju taj objekat. Šteta i žalosno je što je taj objekat u neposrednoj blizini Sportske dvorane, gdje nam veliki broj gostiju dolazi i posjećuje što po sportskim, što po kulturnim manifestacijama i na neki način je ruglo grada, pa bi trebalo nešto na tom pitanju uraditi.

2. Pitanje je upućeno Kantonalnom Ministarstvu Institutu „Kemal Kapetanović“ Zenica i Službi za urbanizam, kao nosiocima projekta postavljanje mjerne stanice u Maglaju. Da li je lokacija mjerne stanice Maglaj odabrana u skladu sa važećim Federalnim i Kantonalnim propisima koji regulišu određivanje lokacije za ovakve uređaje. Obzirom da postoji Federalna Uredba koja govori o načinima i mjestima, lokacijama za postavljanja, ja mogu zaključiti, ali želim stručno mišljenje da ova mjerna stanica postavljena u Maglaju ne zadovoljava ta uputstva, jer nije tamo gdje piše, mora da se postavi tamo gdje se očekuje najveće zagađenje, odnosno gdje je najveći broj stanovnika pogođen koncentracijom tih otrovnih zagađujućih materija na području grada ili bilo koje druge lokacije.

7. Vijećnica Svjetlana Zamboni,

Iako je Načelnik u okviru svoga brifinga spomenuo inicijativu Udruženja „15. Maj“, koja je došla na adresu i Općinskog vijeća i Općinskog načelnika, predsjednicima Klubova stranaka, ja ću je pročitati u cijelosti vijećnika radi, a svakako i radi javnosti.

Predmet. Inicijativa za donošenje nove Odluke o utvrđivanju cijena odvoza smeća za pravna i fizička lica.

Poštovani, na sjednicama Upravnog od bora Udruženja poslodavaca „15.maj“ Maglaj kao i na sastancima koje su organizirale dvije najveće stranke u Općinskom vijeću Maglaj SDA i SDP, svi smo bili saglasni da Odluka NO KJD d.d. broj taj i taj iz 2009.godine nije svrsishodna i pošto se ne primjenjuje u cijelosti, istu je neophodno staviti van snage i donijeti novu Odluku. S toga Udruženje „15. Maj“ Maglaj predlaže pokretanje inicijative za donošenje nove Odluke o utvrđivanju cijena odvoza smeća za pravna i fizička lica na području maglajske općine. Obrazloženje: Gore pomenuta odluka pored toga što je nelogična jer se odvoz smeća isključivo naplaćuje po površini radnog prostora, proizvela je u zadnje vrijeme dosta nejasnoća i problema. Na količinu smeća utiče više faktora pored površine, npr. broj zaposlenih, vrsta djelatnosti, tip proizvodnog otpada.

Prijedlog Udruženja „15.maj“ Maglaj je da se cijena odvoza smeća naplaćuje po količini odvezenog smeća. Također smo saglasni da na javnim raspravama podržimo i druga realna i konstruktivna rješenja ovog problema. Iskreno se nadamo da će naša inicijativa doprinijeti boljem poslovanju, poslovnom ambijentu u Maglaju. U ime Udruženja poslodavaca „15.maj“ Maglaj, vjerujem da se gospodin Begić potpisao, da je ovo njegov potpis u pitanju.

8. Vijećnik Edib Delić,

U ime Kluba vijećnika SDA podnosim vijećničku inicijativu:

Tražimo da se za jednu od narednih sjednica OV Maglaj pripremi Izvještaj o realizaciji zaključaka OV za period 1.1. 2018.godine – 31.12.2019.godine. Predlažemo da se ova tačka dnevnog reda uvrsti do kraja juna 2020.godine.

Načelnik općine – dao odgovore

Vijećnik Galijašević, u potpunosti se slažem sa ovom inicijativom. Ne mogu dati detalje u ovom trenutku, mislim da šefica Službe za finansije zna puni odgovor. Ukoliko je ovo zaista samo do ovog što ste iznijeli, vrlo rado ćemo to riješiti. Ali mislim da nije jedini to uvijek. Provjerit ćemo i dobit ćete odgovor.

Vijećnik Bešić je pomenio šehidsko mezarje, odgovorit ću. Ja sam malo prije se referirao na Groblje Borik novo, kad je u pitanju šehidsko mezarje, tu radimo projekat uređenja šehidskog mezarja i ograđivanja i uređenja saobraćajnice i izgradnje Musale, tako da očekujemo, to je pri kraju. Verzija je prva već pregledana, naravno malo ćemo se kad bude vrijeme konsultovati i sa predsjednikom Medžlisa IZ i sa Glavnim imamom u tom dijelu.

A što se tiče ovog trenutnog održavanja, moramo riješiti i ispraviti ove nišane gore koji su nageti, to će Općina obezbijediti ko će to odraditi.

Kad je u pitanju most u Liješnici završena je projektna dokumentacija. Ja sam nekada ovdje govorio da je ranije rađen neki projekat, ali nije zadovoljio ono što je trebalo, morali smo raditi projekat u potpunosti. Novi projekat je završen, predat Općini Maglaj, ako se ne varam vrijednost izgradnje novog mosta i uređenja obalo utvrde u dijelu mosta je oko 360.000,00 KM. Radit ćemo na obezbjeđivanju tih sredstava i da uradimo i taj most. Kako smo uradili 4-5 drugih mostova, mislim da možemo u dogledno vrijeme riješiti i taj most.

Kad su u pitanju Bradići, prekid asfalta, nisu samo Bradići, imate vi u svojoj Domisluci ali niste pomenuli, da ne bude samo za Domislucu da se borite, to je dio koji je jesenas isječen zbog nivelacija zbog klizanja tla isječen, nasut poravnat i u takvom je stanju, bit će što prije riješen. Evo vi danas imate Program između ostalog utroška sredstava na održavanju cesta, nakon tog programa ćemo odmah raspisati tender, što se tiče tih količina, to je sve pripremljeno, tako da će to biti prve aktivnosti da se riješi i taj dio.

Što se tiče pješačke staze tamo, to će Služba preuzeti na sebe da vidimo o čemu se radi, koliki su troškovi.

Inicijative za sjednice OV.

Projekat dječijeg igrališta Omerdino Polje, pokušavamo na različitim lokacijama na području općine Maglaj u što više mjesnih zajednica da odradimo dječija igrališta, koliko-toliko da ima. Evo vidimo da je u Jablanici isto puni pogodak, to je projekat koji smo realizovali sa Američkom armijom. Dakle, puni pogodak, pored djece koja se

